




C 40-4614



B 64853

密雲禪師語錄序

達磨受西天般若多羅密印六傳而至曹溪曹溪之後分爲二枝而臨濟之兒孫獨盛臨濟之後又分爲二枝而楊岐之兒孫獨盛蓋監寺受慈明述記與黃檗之記臨濟正同故禪道獨爲天下冠今之所傳臨濟派者則皆系出於圓悟勤之子虎丘隆者也虎丘之子天童華知見高邁大慧嘗作偈特稱之天童華傳天童傑傑傳破庵先先傳無準範範傳雪巖欽欽傳高峰妙妙傳中峰本本傳千巖長長傳萬峰蔚蔚傳寶藏持持傳東明品品傳海舟慈慈傳寶峰瑄瑄

[撰述]

[名號和角註金言]

傳天奇瑞瑞傳絕學聰聰傳月心寶寶傳禹門傳禹
 門嫡子是爲今天童圓悟大師大師之望前圓悟勤
 公凡二十世其望臨濟則三十世而望達磨則四十
 世也天童居大海之東山川環擁當年之坐道場說
 法者八十餘員大率皆臨濟之裔也庚午之春余在
 武林僧舍偶見大師語錄一編始知臨濟宗風至今
 未墜修書致敬請師說法太白山中卽天童華禪師
 故址也棒喝交馳學者無開口處莫不望風而靡以
 爲臨濟再來也大師操履嚴峻有古尊宿之風行解
 相應與末世之狂禪迥別余嘗覩其用處縱奪自繇

每吐一言益天蓋地其所從來者異矣應般若多羅
 之識而中興臨濟之道於今時正令全提坐斷十方
 世界至矣哉

崇禎壬申歲三月朔旦弟子黃端伯稽首和南譔



密雲老和尚語錄序

達磨西來直指人心見性謂之教外別傳翻盡四十九年葛藤獨拈花一則鋸解不破斧劈不開曷爲密雲老人語錄綗素尺一奉之夷夏圭璋拱之蓋古尊宿當陽提令各擅勝場有如龍吟虎嘯有如閃電轟雷有如千仞鳳翔有如百川鯨吸有如孤松嶽立有如萬派聲銷非不旗鼓一代俎豆千秋總不如老人曝曝論實單單據本不鋪文彩不通意解直下勦絕窠臼斷人命根或與當頭撾擗胸搘或與駁面唾劈脊摶覲體提持未嘗有一法與人每居恒示壁伊問

撰述

文書神留詩金月

訊時我低頭伊禮拜時我合掌半効還八兩二五得
 一十彼自無瘡勿傷之爾老人出世晚歷年多利人
 廣自禹門至天童返通玄踞座六大刹金粟稱最盛
 金粟爲予捨身命處予侍金粟凡七閱春秋迨冬制
 有放出一群猛虎句喜可知已雲初法裔如林如藪
 振濟宗者皆出自金粟卽今費隱和尚繼席弘揚不
 改父道宗門仰之金粟其薪傳地也蓋老人極慈悲
 是極惡辣極惡辣是極慈悲杖頭所指十方貌象航
 海梯山纔動齒牙遐邇競布則謂是老人語錄老人
 何有哉費和尚重加攷定法今垂後命壁董較讐因

敘述如此絕不敢作綺語攢簇雖然塗汚不少罪過
 罪過

頓首撰

一



弘光元年歲次乙酉清和旣望弟子明遲蔡聯璧九

撰述

密雲禪師語錄目錄

序文

卷第一

住直隸嘗州龍池山禹門禪院語錄

浙江台州天台山通玄禪寺語錄

卷第二

浙江嘉興金粟山廣慧禪寺語錄

福建福州黃檗山萬福禪寺語錄

卷第三

浙江寧波鄧山育王廣利禪寺語錄

撰述

空印禪師語錄卷之六

再任嘉興金粟山廣慧禪寺語錄
浙江寧波天童山景德禪寺語錄

卷第四

上堂開示

小參

晚參

入堂

室中開示

偶言

卷第五

入室

勘辨

問答機緣上

卷第六

問答機緣下

行跡

法語

卷第七

書問上

卷第八

撰述

書問下

舉古

卷第九

拈古

徵古

別古

代古

卷第十

頌古

卷第十一

偈

卷第十二

讚

佛事

雜著

附

行狀

全身塔銘

衣鉢塔銘

道行碑

撰述

年譜

密雲禪師語錄卷第一

密雲禪師語錄卷第一

嗣法門人如學編

住直隸嘗州龍池山禹門禪院語錄

萬曆丁巳歲四月望日衆請上堂師至法座前指云
 堂堂坐斷千差路卓卓分明絕去來喝一喝顧視大
 衆云還見麼遂陞拈香云此一瓣香豎窮三際橫徧
 十方熱向爐中供養

本師釋迦牟尼佛并及十方諸佛歷代祖師普同供
 養次拈香云此一瓣香明歷歷上拄天下拄地熱向
 爐中端爲祝延

撰述

密雲禪師語錄卷一

今上皇帝萬歲萬歲萬歲伏願天下太平萬民樂業又拈香云此一瓣香名不得狀不得自從親遭毒手今日對衆拈出爇向爐中單爲供養卽此禹門堂上傳曹溪正脈三十三世幻有老人用酬法乳之恩就座上首白椎云法筵龍象衆當觀第一義師舉拂子召云大衆見麼只此拂子已刺破釋迦老子眼睛了也衆中莫有眼見如盲口說如啞者向金不博金處道將一句來良久云眼空宇宙渾無物大坐當軒孰敢窺擊拂云若向這裡領略得去便請歸家穩坐又烏用百日爲限尅期取證脫或未然更聽葛藤復

擊拂云一切智智清淨無二無二分無別無斷故禹門院裡上堂四大部洲打鼓南山起雲北山下雨且道簾衣箬笠向甚麼處着有知着落處者出來對衆通個消息若也未知恰是開眼瞌睡禹門如此告報莫有不甘底衲僧倉性出來把脚拽下座前爛搥一頓共助無爲之化寧不謂之好事者哉又良久云原來一隊郎當漢雖然如是逢人切莫錯舉擲下拂子復舉波斯匿王問佛云勝義諦中還有世俗諦否若言其有智不應一若言其無智不應二一二之義其義云何佛言大王汝於過去龍光佛所曾問此義我

今無說汝亦無聞無說無聞是名一義二義今日忽有人問禹門勝義諦中還有世俗諦否若言其有智不應一若言其無智不應二一二之義其義云何卽向道一個鼻頭兩孔出氣是名一義亦名二義大眾不勞久立伏惟珍重拍膝下座上首白椎云諦觀法王法法王法如是

上堂呈拂子召大眾云還知麼還見麼若也未知未見悟上座枉直作曲打個之達與諸人說破何故悟上座出身本非他邦異土之人卽本邑南嶽山中介樵夫耳况因在俗家寒未嘗讀儒書經史脫塵年

晚又不曾備歷講筵既然如是卽今出頭來作甚麼蓋爲我幻有老人有不了底公案且如何是不了底公案又呈拂子云者便是老人使不了底於辛亥春二月三日擊鼓集衆於此堂上付與悟上座當時堅執不受旣不曾受復呈拂子云且道卽今者個從甚麼處得來衆中莫有知來處者麼若也知得受用無窮不從人得所以道向上一路繇來千聖不傳放下便休是諸人元初本分設或未然且引受戒者向前爲伊付戒下座

上堂舉高峰和尚云海底泥牛啣月走巖前石虎抱

兒眠鐵蛇鑽入金剛眼崑崙騎象鷲鷺牽此四句內有一句能縱能奪能殺能活簡點得出者叅學事畢師云高峰之句不妨奇怪只是不經簡點今日禹門亦有四句饑餐渴飲閒坐困眠此四句內亦有一句能縱能奪能殺能活簡點得出者來方丈通個消息下座

上堂若論此事畢竟直不藏曲諺云不曲咸謂面赤不如語直禹門看來卽也不然若據不曲語直不如面赤良久召衆云還會麼不見道心不負人面無慚色遂湧身震威一喝下座

上堂舉盤山和尚示衆云心月孤圓光吞萬象光非炤境境亦非存光境俱忘復是何物洞山云光境未忘復是何物徑山杲云白鶯下田千點雪黃鸝上樹一枝花師驀拈拄杖云孟入郎漢又恁麼去也好與三十棒且道過在甚麼處擲下拄杖云具眼者辨取下座

上堂若據者個事正如青天白日充塞圓滿直是無人迴避得亦無遮障得且道旣無迴避無遮障因甚等閒問着十人五雙不知去處喝一喝云只爲分明極反令所得遲復舉龐居士一日在茅屋裡坐次驀

云難難難十石油麻樹上攤龐婆云易易易如下眠
床脚踏地女靈炤云也不難也不易百草頭上祖師
意師云悟上座適來方丈裡坐也不曾有十石油麻
樹上攤亦不見有什麼難下了藤床來登座但覺牽
筋動骨又何曾見有什麼易難易且置只如靈炤道
百草頭上祖師意衆兄弟又作麼生遂舉起拂子云
者個便是百草頭且如何是祖師意擲下云急着眼
覲下座

苦喝一喝下座

上堂四月十五日已過去六月十五日猶未來過去
與未來以拄杖一云都從者裡剖復以拄杖中云若
於此識得根源朝打三千暮打八百若識不得是不知
痛癢的死漢莫怪悟上座造口業壓良爲賤擲下
拄杖復舉德山初出蜀於澧陽路上見一婆子賣餅
息肩買餅點心婆指擔云什麼文字山云青龍疏鈔
婆云講何經山云金剛經婆云我有一問你若答得
施與點心若答不得且別處去金剛經道過去心不可
得現在心不可得未來心不可得未審上座點那

撰述

密宗禪師語錄卷一

個心山無語師云我若作德山只向道山僧肚餓揀大者快搬來使者婆子直得手忙腳亂打發不及及至搬來時肩擔便行管教者婆子疑殺行脚衲僧別有長處下座

上堂擬欲參禪圖脫生死已錯了也不擬參禪圖脫生死又錯了也敢問衆兄弟合作麼生得不錯去咄洎合停囚長智便下座

昔請採茶上堂舉瀉山摘茶次謂仰山云終日摘茶祇聞子聲不見子形仰撼茶樹瀉云子祇得其用不得其體仰云未審和尚如何瀉良久仰云和尚祇得

其體不得其用師云瀉山大似自昧兼體用意分二路致令後人失慕禹門這裡體用本無二致且作麼生是體用一致底旨舉手云昔請衆兄弟採茶去上堂禪不在參道不須悟直下了然超佛越祖葛拄杖云卽今莫有超佛越祖者麼卓拄杖云正好朝打三千暮打八百擲拄杖云爲什麼如此撫掌云者裡放過卽不可便下座

上堂法華經云密雲彌布一雨普施遂舉起拂子云密雲彌布也以拂子左右灑云一雨普施也衆兄弟還見麼復云衆兄弟具有兩隻眼決定見旣已見矣

現前若僧若俗若長若幼各各眼開心悟則不被諸塵所惑故曰隨其根性各得生長此乃覺安師弟適來到方丈要悟上座上堂普施法雨底意旨復舉德山和尚云我宗無語句亦無一法與人師云若是孟八郎漢便恁麼領略得去便見賓卽始終賓王卽始終王王家無賓家底道理賓家無王家底道理賓王不交參彼彼無前後雖然如是須知平地上死人無數灼然出得荆棘林是好手驀拈拄杖云你有拄杖子與你拄杖子你無拄杖子奪你拄杖子舉起云者是悟上座拄杖子作麼生是衆兄弟拄杖子良久度

侍者云悟上座失利下座

上堂一葉落天下秋一塵起大地收今朝七月六日無論一葉落不落而天下秋衆兄弟已備知矣舉起拂子云一塵起也且作麼生是大地收底道理擲下云若知撲落非他物始見縱橫不是塵下座

解制上堂百日禪期正如畫地爲牢祇要諸人知個分曉若也知得分曉便知四月十五日結制本非結今朝七月十五日解制亦非解旣非結又非解且畢竟四月十五到今朝七月十五者是個甚麼若有分曉得者出來通個消息良久云若一總未分曉無柰

漆桶不快何下座

上堂舉文殊師利在靈山會上諸佛集處見一女子近佛坐入於三昧文殊白佛云何此女得近佛坐佛云汝但覺此女令從三昧起汝自問之文殊達女三匝鳴指一下乃至托至梵天盡其神力而女不出定佛云假使百千文殊出此女定不得下方過四十二恒河沙國土有岡明菩薩能出此女定須臾岡明從地湧出作禮世尊世尊敕出此女定岡明卽於女前鳴指一下女子從定而出師云且道文殊大士用處與岡明大士用處一般因甚女子不出定又若岡明

大士與文殊大士用處若一般因甚女子却出定衆兄弟還知二大士併女子落處麼顧視左右云有利無利不離行市放過一着落在第二下座

上堂豎起拂子云衆兄弟見麼過去諸佛現在諸佛未來諸佛盡向悟上座拂子頭上衆頭打葛藤道凡所有相皆是虛妄若見諸相非相卽見如來若也放開從教口勞舌費若也把住擊禪床云不消一擊復豎起云還見麼擲拂子下座

歲旦上堂舊年是新年舊新年是舊年新新年與舊年有口也難申所謂處處真處處真塵塵盡是本來

撰述

密宗禪的言金巻一

人真實說時聲不現正體堂堂沒却身乃顧視大眾
喝一喝下座

結制上堂今日禹門院裡結制須與衆兄弟一議不用衆兄弟參禪不用衆兄弟會理單單不用瞌睡若也瞌睡一棒打出骨髓莫言不道喝一喝下座

解制上堂舉洞山云秋初夏末兄弟東去西去直須向萬里無寸草處去禹門又要不然禹門今日解制兄弟東去西去驀拈拄杖云逢人切莫錯舉擲拄杖喝一喝下座

因雪上堂昨日青山今朝白雪衆兄弟好消息野鹿

行人步步成跡惟有掛角羚羊絕氣息從來獵犬難尋覓高着眼始得便下座

上堂人人本具個個不無不是聖賢了事凡夫且事又作麼生了舉起拂子云不喚作拂子便了取好不喚作拂子便了又喚什麼作事以拂子擊香几云惺惺底惺惺瞌睡底瞌睡然喚作惺惺瞌睡依舊無本可據喝一喝云老僧據本去也便下座

端午上堂舉徑山大慧杲和尚云今朝又是五月五大鬼拍手小鬼舞驀然撞着桃符神雙手搥胸叫冤苦我笑嚴師祖道大慧大似少個禁方向青天白日

裡見神見鬼笑巖卽不然今朝正是五月五雲從龍風從虎山僧要與十方現前諸大聖凡賭個賭信手拈來百草頭甜者甜今苦者苦引拄杖云驀然突出者一條穿過從上諸佛祖是你現前諸人百樣具有爲甚少這一個衆中有個見義勇爲漢憤性出來道老和尚切莫寐語若論這一個敢道現前人人不欠半分毫放下拄杖笑云汝宛不知矢上更加尖堆上重添土大衆還知二大老落處麼若也未知悟上座分明爲諸人說破徑山不下爲人手師祖能開本分宗雖然如是不肖兒孫向矢上加尖堆上添土去也

遂以拄杖架肩云榔櫟橫肩不顧人直入千峰萬峰去下座

上堂今朝五月十五幸足黃梅時雨東家雙手扶犁西舍插秧入土孟八郎漢便恁麼去墮在時人窠臼更作佛法論量坐在葛藤窠裡有人道得出身句却來悟上座手裡請棒喫雖然如是有一事可疑却疑當初雲門大師道聞聲悟道見色明心觀世音菩薩將錢買胡餅放下手來元來只是饅頭大小雲門大似病眼見空花向聲色裡作活計引得後代兒孫鑽龜打瓦妄生穿鑿道見胡餅不喚作饅頭卽觸住在

胡餅上便成了境不得謂之明心若見胡餅便喚作
饅頭饅頭喻心胡餅喻境不卽不離卽境卽心故謂
之見色明心悟上座道若如此商量要見他雲門老
子三生六十劫也未夢見在殊不知雲門老賊放去
較危收來太速纔擬議時便換却汝眼睛今日長明
覺姪做新麥麵饅頭供佛并供大衆悟上座借花獻
佛普請大衆喫飽了放下手來恰是東瓜直罈侗且
道悟上座告報與古人相去多少還知麼選佛若無
如是眼假饑千載又笑爲久立珍重下座

普請上堂據衆兄弟擔了飯米來伴悟上座各各計

明已矣事不該動靜然而俗諺有之曰有例不可滅
無例不可置如百丈大智禪師創叢林立規矩有普
請例及諸家語錄亦有普請說所謂作則均其勞飯
則同其食自今觀之似乎不然作者應當作聞者應
當聞致令古風彫喪法門澹薄無他益王者不舉之
故也乃云要且者般事無處得藏竄所以爲大道所
以爲公案擔荷者般事須是者般漢若畏刀避箭躲
懶偷閒不足爲伴雖然恰有個驗處以何爲驗舉手
鼓掌云打鼓普請看

上堂今日陞座爲通如法姪乞老僧上堂說第一句

老僧不覺失笑殊不知第一句乃古人之方便耳若執第一句爲寶則達磨單傳之旨撲地了也又不知未作意時分明覩體現前纔擬心來乞說時腳跟下已蹉過了直饒恁麼見得領略得已是言中取則句裡承當落在第二句了也所謂承言者喪滯句者迷且作麼生是不承言不滯句者還委悉麼不知誰是個中人獨自由頭天外舉喝一喝下座

上堂舉汝州西院思明禪師因天平從漪禪師行脚時到叅次乃云莫道會佛法覓個舉話底人也無一日漪在法堂前徐步經行院見乃召云從漪漪舉頭

院云錯漪進前兩三步院又云錯漪近前院云適來者兩錯是西院錯是上座錯漪云是從漪錯院云錯復云上座且在這裡過夏待共商量者兩錯漪不肯憤然而去我笑巖師翁爲衆舉了云諸禪者天平恁麼也不無見處爲什麼被西院連下兩錯進前無路退後無門只者個便是古今行脚稱禪客空抱膏肓底樣子也當時西院云適來者兩錯是西院錯是上座錯却好道個錯雖乃將錯就錯要且挾得一半亦不辱行脚之事却云是從漪錯太煞不啣畱蘆逐塊自納敗闕乃視左右云如今者裡平平妥妥無絲

毫差忒山僧忽下兩個錯云錯錯汝等道者兩錯是山僧錯是諸上座錯一僧出云錯乃打一拂子云適來教得孩兒解罵爺悟上座這裡又不然何故諸兄弟又不曾道莫道會佛法覓個舉話底人也無悟上座也不曾召衆兄弟也不曾道個錯既不曾道個錯且更商量什麼卽得遂拽拄杖下座一齊打散歸方丈

立秋上堂諺云朝立秋陰颼颼暮立秋熱殺秋此中大有好消息所謂治世語言與實相不相違皆只是世間人未曾一簡點若也簡點就要會天地同根萬物一體有甚麼難衆中有曾簡點其中消息者試出分明說看一總未曾悟上座試爲簡點朝暮且置不知喚什麼作秋却說陰颼颼熱殺秋還知麼不見道不因夜來鴈爭見海門秋拍香几下座

上堂舉一不得舉二放過一着落在第二盡大地人都道今朝七月一敢問衆兄弟作麼生舉若也舉得盡大地人性命與現前性命無二無別若舉不得未免業識茫茫無本可據復舉當初唐貞觀時有龐居士特入深山訪問石頭大師云不與萬法爲侶者是什麼人頭以手掩其口居士當下悟旨述偈云有男

不婚有女不嫁大家團園頭共說無生話且無生話
又作麼生說衆中有善說者出來說了散去無則悟
上座略爲頌出無生之話許誰知子女團園未語時
欲會其中消息旨人人鼻直大頭垂下座
上堂悟上座妄談般若未死舌頭先壞死後定墮拔
舌犁耕衆兄弟有相救者出來試救看良久云無則
悟上座只得自作自受去也此時師患舌病

上堂忽雨忽晴天道變化物遂其生舉起拂子云唯
有者個自古至今不屬雨晴且道屬個甚麼與侍者
云懸於方丈內異日指他人下座

上堂天上月正圓人間道月半衲僧事如何直截當
自看下座

上堂舉一不得舉二放過一着落在第二若是未舉
先知底衲僧自有出身路子卽今衆中莫有未舉先
知善出身者麼良久云直饒有也跳不出復舉生公
話畢云當初生公有佛法要說無人聽所以費力搬
石頭排立以爲聽衆爲伊說佛法其石自點頭直到
如今成話柄前日君陽居士寫個帖子來謂效石點
頭殊不知悟上座無佛法說以故不曾費力搬石排
立耳且道旣無佛法說不知今日到者裡來效個甚

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

麼遂召云君陽君陽還會麼若也未會待汝點頭時與你說破下座

上堂以拄杖卓立云楞嚴經謂如人以表表爲中時東看則西南觀成北表體旣混心應雜亂舉起召衆云還知釋迦老子立地處麼直饒知得釋迦老子立地處切莫向禹門門下過一棒打折你驢腰莫言不道擲拄杖喝一喝下座

上堂心不是佛智不是道摹拈拄杖卓云者裡是甚麼所在說心說佛說智說道說是說不是和聲擲下云爭如這木上座只顧亂喊亂跳喝一喝下座

上堂纔然正月初一不覺一月十五光陰迅速催遷日月如同電火豎起拂子云觀音妙智力能救世間苦擊拂子云衆兄弟休莽鹵擲拂子下座云參上堂古人道若論此事多說不如少說少說不如不說摹拈拄杖卓云者裡是甚麼所在說多說少說說說不說舉起拄杖云是多耶是少耶是說耶是不說耶政當恁麼時諸人還委悉也無若委悉去獨步大方橫行天下如未委悉不煩久立便下座

歲朝連雪上堂連日雪紛紛山河一色吞天開銀世界別是一乾坤衆兄弟還會麼當恁麼時正是古人

所謂三十年前未得個入處見山是山見水是水三十年後得個入處見山不是山見水不是水是個大地平沉底時節且憑個什麼得恁麼地良久云世出世間窮徹底嘗樂我淨獨爲尊下座

上堂今朝正是正月七世上相傳是人日可憐大夢未惺人却見陰晴起嗔悅令人轉憶老雲門解道日是好日衆兄弟還知雲門老子落處麼良久云祇是不分皂白底漆桶復云日日好日當下心息本無孔竅寧容情測各各珍重不煩久立下座

上堂若論此事擬心則差強言則隔覲面分付罕人委悉遂展手云分付了也衆兄弟還委悉麼若委悉者出來對衆通個消息良久云若未委悉急須珍重便下座

幻有和尚忌辰拈香云當時巴陵爲雲門大師設忌有三轉語高峰爲雪巖和尚設忌單單只有一句悟上座今日爲幻有老人設忌一句也無何以舉起香云者是一句耶是三句耶挿香云逢人切莫錯舉

上堂盤山道向上一路千聖不傳慈明道向上一路千聖不然徑山道向上一路熟盤鳴聲老僧道向上一路踏破草鞋便下座

上堂教中道今佛放光明助發實相義衆兄弟還知釋迦老子立地處麼若也知得從教徧界分身設若未知悟上座不免更資一路舉起拂云者是放底光明且如何是實相義擲下云急着眼觀便下座佛誕上堂兜聲一發獨稱尊引得兒孫惡水淋不足與人難共住大端緇素要分明便下座

上堂竺土大僊心東西密相付謹白參玄人光陰莫虛度且作麼生是不虛度底光陰記得小時騎竹馬看看又是白頭翁下座

上堂今朝正是五月一爲衆分明重剖析昔日雲門

老古錐却道日日是好日是又是別又別汝諸人瞽不瞽龐公不昧本來身衲僧正眼頂門裂喝一喝下座
上堂古者道一喝不作一喝用遂喝一喝云且道悟上座一喝與古人相去多少莫有端的者試端的看良久復喝一喝下座

上堂六月日頭真個熱赤肉團邊如火逼試問現前衆弟兄無位真人徹未徹若也已徹向無陰陽地上豎去橫來若也未徹未免來日熱如今日下座
上堂舉洞山云兄弟東去西去直須向萬里無寸草

撰述

高僧傳記金卷

處去石霜聞云何不道出門便是草又有老宿云直
得不出門亦是草漫漫地師慕拈拄杖云者一隊老
古錐將謂發明本分却不知翻成分外以致後人向
東去西去千里萬里出門不出門是草非草處商量
禹門今日不惜手腳以拄杖畫一畫云爲汝諸人一
時畫斷令汝等個個如大象王縱步自繇人人如真
師子奮起全威哮吼一聲師子兒聞咸皆聳銳衆中
有恁麼人麼良久云如無悟上座自行此令去也震
威一喝擲拄杖下座

上堂欲識佛性義當觀時節因緣時節若至如迷忽

悟如忘忽憶豎起拂子云正當恁麼時是什麼時節
復云直下來也急着眼覶擲拂丁下座

上堂不陞座竚於座前云老僧氣喘不能說話遂咳
嗽吐痰于地云衆兄弟試道看良久無有出者師以
脚抹却歸方丈

上堂若論此事描也描不成畫也畫不就喝下鐵圍
山倒走一句當天八萬門句句自然絕滲漏趙州關
雲門普雪峰輓毬禾山打破上來一隊老古錐看來
未解獅子吼汝諸人須抖擻轉身路子若能行處處
莫着隨人後拶着翻身便咬伊始可人前開大口且

撰述

密雲禪師詩錄卷一

七

道禹門者裡用個什麼驀拈拄杖云一條拄杖黑如漆是聖是凡劈脊捲喝一喝下座

上堂恁麼也不得道火何曾燒着口不恁麼也不得嚼爛虛空牙齒出恁麼不恁麼總不得石頭老子舌無骨驀拈拄杖云恁麼也得放下云不恁麼也得復拈拄杖擲下云恁麼不恁麼總得汝諸人還知禹門落處麼便下座

上堂十方無壁四面無門中有一寶任運縱橫便下座

臘八上堂年年有個臘月八相傳世尊悟時節咸謂

如來觀明星誰知打失眼睛瞎諸人若欲辨端倪正眼須從頂門發從茲突出普天輝將此深心奉塵刹喝一喝云衆兄弟還見釋迦老子打破漆桶去處麼便下座

辭衆上堂舉世尊一日陞座默然不語阿難白佛云世尊何故不說法佛言會中有二比丘犯律儀故不說法阿難以神通力觀是二比丘立擯出世尊還復默然阿難又來白佛云是一比丘爲我擯出世尊何故不說法佛言吾誓不爲二乘人說法便下座古德拈云前箭猶輕後箭深師良久云者裡無人證明且

向別處尋討下座便行

浙江台州天台山通玄禪寺語錄

上堂拈香祝聖畢次拈香云此一瓣香昔日禹門堂上曾已拈出今於通玄峰頂次回拈出供養先師幻有和尚用酬法乳就座云若論此事本非行住坐卧之相豈可結制定期爲限祇如今古叢林皆以九旬禁足三月安居正眼看來正如畫地爲牢置人必死之地雖然如是正恁麼時諸人向什麼處出氣若善出者速速出來對衆出氣看良久云一總未能且有條攀條無條攀例以大圓覺爲我伽藍身心安居平

等性智與悟上座眉毛廝結到八月一日說破復舉開山第一代韶國師云通玄峰頂不是人間心外無法滿目青山法眼聞云只此一偈堪起吾宗師云殊不知滅汝宗者卽此偈耳不見道毘婆尸佛早留心直至而今不得妙今日新通玄不免別開一路乃云通玄峰頂別是人間只緣不薦錯認青山遂喝一喝云還薦麼便下座

上堂今朝正是六月六猫兒狗兒皆沐浴通玄峰頂衆禪和個個渾身乾暴暴會卽途中受用不會卽世諦傳續且道傳續個什麼三十年後抱頭哭莫言老

僧不道參

天封寺僧南行同松江李居士講上堂涅槃心易曉
 差別智難明善財童子往南行參五十三員善知識
 歷一百一十城彌勒閣前纔歛念不勞彈指便開扃
 諸人曾恁麼一回也無若也未然驀拈拄杖云今日
 通玄拄杖子竭力爲人作指南以拄杖左右指云棒
 頭有眼明如日要識真金火裡看復舉龐居士初參
 石頭問云不與萬法爲侶者是什麼人石頭以手掩
 其口士有省再參馬祖亦如前問祖云待汝一口吸
 盡西江水卽向汝道士得其玄旨如有問通玄不與

萬法爲侶者是什麼人向他道東海江頭李鬍子且
 道與二老漢是同是別忽有個衲僧出來道者裡甚
 麽所在說同說別通玄道還我中心樹子來待伊眼
 目定動劈脊便棒喝一喝下座

上堂十五日已前誰復重打算十五日已後孰肯定
 從容正當十五日又且如何透脫驀拈拄杖云龍袖
 拂開全體現象王行處絕狐蹤卓一卓下座

上堂茲當六月廿五况是日輪明露本無雲翳覆藏
 爭奈時人不覩驀拈拄杖云若也覩自然超佛越祖
 便下座

撰述

宋元祐詩錄卷一

上堂拈拄杖指云不得舉二惟舉一老僧拄杖爲竭力指示分明須荐取莫待將來鳶頭楔喝一喝云天色時炎不煩久立便下座

萬年寺衆請上堂有一物明歷歷在目前人不識若也識叅學畢葛拈拄杖云更不識當頭楔急須提休久立復舉韶國師示衆云通玄峰頂不是人間心外無法滿目青山這四句自古及今喜悅者多錯會不少今日老僧不惜唇皮下個註脚通玄峰頂大家在這裡不是人間錯下註脚心外無法逼塞殺人滿目青山有眼如盲大衆還識韶國師麼便下座

解制上堂八月一日解制訖腰間包兮頭上笠通玄寺裡放門開行脚衲僧攬前出被人拶着要翻身切莫隨人穿却鼻復舉洞山云秋初夏末師云將謂忘却兄弟東去西去師云亂走作麼直須向萬里無寸草處去師云坐斷路頭石霜云出門便是草師云奴見婢慇懃又有云直得出門亦是草漫漫地師云同坑無異土乃云這一喙老漢被老僧折倒了也汝諸人還知出身處也無若也知得日費斗金非分外脫或未然萬古碧潭空界月再三撈撈始應知喝一喝下座

上堂天上月正圓人間道月半半卽背於圓圓定違
於半欲得兩相應分身兩處看噫一聲便下座
開爐上堂烹佛烹祖大爐鞴蝦生蝦死惡鉗鉗驀拈
拄杖云若是超佛越祖出生逾死者不用如何若何
便請單刀直入與通玄拄杖子相見良久乃云今日
十月十五今古謂之開爐老僧更指虛空是個爐子
其中山河大地草木叢林凡有事物俱是煤炭世間
僧俗男女一切人天皆在者個爐子裡苦樂逆順聲
色逼惱晝夜煎熬生情取捨遂成輪轉謂之三界無
安猶如火宅唯一門可出而復狹小故立戒謹恐

懼不覩不聞要知出路汝諸人還知出路麼時有僧
出衆云出路卽不問如何是火宅師云待汝出來與
汝道僧無語師云還道得出底意麼僧復無語師云
汝道不得老僧爲汝諸人道去也云一盲引衆盲相
牽入火坑便下座

冬至上堂欲識佛性義當觀時節因緣時節若至如
迷忽悟如忘忽憶葛拈拄杖云三世諸佛一切衆生
被老僧拄杖一時穿却了也拈起也直教個個放光
動地放下也直使人人無處出氣不拈不放時且道
落在什麼處若是鐵眼銅睛漢直下覩透卽見三世

撰述

密宗禪師語錄卷一

三

諸佛此時成道此時說法此時度生亦見一切衆生
此時輪迴此時日用於無陰陽地上好不資一毫醜
不資一毫能爲萬象王不逐四時凋政當恁麼時忽
憶忽悟一句作麼生道還委悉麼到頭輸我惺惺者
不伍陰陽造化中喝一喝下座

上堂十五日已前追不及十五日已後取未得今朝
正當十五日無孔鐵鎌當面擲復舉金剛經云若以
色見我以音聲求我是人行邪道不能見如來師豎
起拳云還見麼喝一喝云還聞麼聞見分明若喚作
聲色入地獄如箭射一僧出衆云不喚作聲色喚作
甚麼師乃合掌云我不敢輕於汝等汝等皆卽如來
復云仲冬嚴寒不煩久立便下座

上堂五九四十五窮漢街頭舞會則途中受用不會
則世諦流布便下座

歲旦上堂新年新月新日新時長老又披新法衣提
起衣云這個是衣如何是法放下衣云九九百百張
七趙八孟春猶寒不得露骨喝一喝下座

上堂當頭一着坐斷要津纔然側耳喪却家珍從來
佛法不順人情所以道出群須是英靈漢敵勝還他
獅子兒下座

撰述

寶鑑卷一

二

上堂新正三十日又五且喜日輪正當戶晝夜明明無間斷只因時人不解顧若解顧廓徹乾坤全體露東西南北任縱橫那事應須沒差互所以道參玄人莫虛度且如何是不虛度底光陰阿呵呵還見麼復云一寸光陰一寸金寸金難買寸光陰光陰本是非他物青天白日笑吟吟便下座

上堂病骨尚未愈無已強扶筇陞堂無法說坐斷通玄峰乃拈拂子云只得借拂子爲諸人通個消息豎起云見麼敲香几云聞麼若見若聞正是逐色隨聲漢不見不聞又是避色逃聲漢更若非見非聞又是

戲論相違漢直須中間澈開兩頭截斷二邊渾莫立中道不須安正當恁麼時獨脫一句作麼生道八角磨盤空裡走下座

道侍者請上堂二月初十好個消息盡大地人跡跳不出喝一喝云百年三萬六千日反覆元來是這賊復喝一喝下座

因牙痛上堂舉雲門云佛法太煞有只是舌頭短覺範云佛法太煞有只是牙齒痛我笑嚴師翁道牙且幸不痛舌頭頗相稱只是無什麼佛法可說老僧今日佛法有無舌頭長短俱不論單單只是牙痛若入

撰述

名僧三傳印譜金石一

向牙痛處打破漆桶管教身病心病俱消生死涅槃如夢下座

幻有和尚忘辰指真云這老和尚昔日不來今日不去然既不來又不去因甚一場特地爲要大家知乃拈香云還會麼一瓣栴檀一盞茶分明眼裡又添沙便燒

深侍者請上堂開方便門示真實相師乃拈拄杖擊香几云方便門開也復呈拄杖云真實相示也汝諸人還見麼若也見得徹去便可以拄杖子作丈六金身用復可以丈六金身作拄杖子用然後拄杖子跨驢腰莫言不道下座

跳上三十三天觸着帝釋鼻孔東海鯉魚打一棒兩似盆傾汝等諸人切莫向古廟裡去躲一棒打折你上堂本來無物可評論未悟之人妄見分忽若迸開

頂門眼大地山河一口吞下座

立春上堂無影枝頭一點春可憐大地盡埋塵陳年宿債昨宵盡錯謂今朝又是新喝一喝云舉頭天外看誰是個般人復喝一喝下座

梵音請上堂妙音觀世音梵音海潮音勝彼世間音以拂子擊香几云不是世間音復鼓掌云不是世間

音老僧叨叨咀咀鼓兩片皮不是世間音且道是什麼音若將耳聽終難會眼處聞聲方始知以腳打法座云還見麼便下座

上堂今朝三月十五佳節時當穀雨農夫浸種拋秧蠶婦剪桑勤苦爾我林下人作麼生舉措葛拈拄杖云龍袖拂開全體現象王行處絕狐踪便下座

上堂鏡不自炤刀不自割風不自涼火不自熱今日四月初一孟夏稍熱且道是何物若也識得天地日月森羅萬象無纖毫過患脫或未然來年更有新條在惱亂春風卒未休下座

佛誕上堂今朝正是四月八釋梵王宮生悉達祇爲時人不知因年年枉遭惡水潑衆中若有知因者出來爲這老漢雪屈良久五若無雲門大師來也拽拄杖下座一時打散

上堂舉僧問雲門如何是透法身句門云北斗裡藏身大慧云雲門恁麼道只答得法身句未答得透法身句今日或有人問徑山如何是透法身句向他道蟻螟眼裡放夜市大蟲舌上打鞦韆師云通玄今日又且不然如有問如何是透法身句劈脊便棒縱使不會管教永劫不忘下座

久雨將晴施主臨行請上堂春雲欲開未開春雨欲
息未息日頭欲出未出行人欲歇未歇爲甚如此只
因途路不得力忽然雲開日出便是到家時節豎拂
云還見麼若也見得徹去管教當下心思擲拂子下
座

上堂通玄峰頂好個消息若人識得叅學事畢喝一
喝云不煩久立便下座

受嘉興金粟山請落板同衆赴上堂懸起也呆日當
空放下也孤明歷歷不懸不放諸佛莫知鬼神莫測
且待到奉行一句作麼生道九萬里鵬纔展翼百千

年鶴便翱翔下座

師到會稽曹山護生庵衆請上堂適來未陞座時已
爲諸人相見了而今陞座重爲諸人起模畫樣便乃
散去猿較些子更待老僧鼓兩片皮掉三十舌爲之
說法向句裡思量言中取則正是業識茫茫無本可
據驀拈拄杖架肩云榔榎橫擔不顧人直入千峰萬
峰去便下座

密雲禪師語錄卷第一終

密雲禪師語錄卷第一

嗣法門人法藏編

浙江嘉興金粟山廣慧禪寺語錄

天啓四年檀越蔡聯璧請於五月六日入院至山門
云佛語心爲宗無門爲法門新長老打破牢關一任
擎頭帶角舉杖云還見麼

佛殿云釋迦已過去彌勒猶未來正當恁麼時法柄
在阿誰手裡乃展坐具云遍覆三千及大千
土地堂云伽藍神叢林王一瓣香兩手舉便燒

祖師堂云西天四七東土二三盡在這裡默默地商

撰述

定慧寺藏印金言卷二

量個事今日一時捉敗且道以何爲驗插香云以此爲驗

衆請上堂師指法座云須彌燈王如來已爲諸人露頭露面了也還見麼若也未然更須撥轉上頭行遂陞座拈香云此辨香端爲祝延

今上聖壽恭願萬邦歸聖化八表偃干戈次拈香云此辨香奉爲滿朝文武合國官僚本山護法遠近檀那同明般若正因其證金剛種智復拈香云此辨香從無始却東擲西拋忽於窮途半路收拾得來三回拈出爇向爐中耑爲供養荆溪龍池山禹門堂上傳

曹溪正脈三十三代幻有先師用酬法乳遂歛衣敷座上首白槌云法筵龍象衆當觀第一義師云第一義諦一槌粉碎了也還有鋸解不開底衲僧試出來對衆舉看良久云一衆既然恪慈山僧不免自作一場賣弄去也通玄峰頂聳壑昂霄金粟山頭十方坐斷所以道法隨法行法幢隨處建立掀翻是非窠窟截斷生死根株三世諸佛聞風結舌歷代祖師覲面藏鋒一切衆生退身有分現前大衆自合知歸恁麼告報如將惡水駕頭潑汝諸人了也還知風吹不入雨打不濕去處也無設或未知萬古碧潭空界月再

撰述

高僧傳印金卷二

三撈搥始應知復舉法燈和尚云山僧卑志本欲深
棲岩竇隱遁過時奈緣先師有不了底公案出來爲
他了却時有僧問如何是先師不了底公案燈打云
祖禰不了殃及兒孫僧云過在什麼處燈云過在你
殃及我師云山僧本志亦只如然祇緣人人有個現
成公案出來相爲了却忽有個衲僧出來道既是現
成公案因甚却要了驀拈拄杖打云橫按鎧鉢全正
令太平寰宇斬癡頑下座

因衆強請上堂六月一日時當毒熱逼人陞座夾背
汗出恁麼告報還信得及也無若信得及管教當下

心息若信未及各自反手摸取看是恁麼意旨喝一
喝下座

觀生項居士請上堂若據老僧分上無恁麼說且舉
孔子道未知生焉知死項居士必善其旨雖然如是
老僧翻案去也既曰未知生焉知死亦合未知死焉
知生試問居士卽今孔聖人在什麼處若也道得許
你名實相稱若道不得只是虛名而已士不出師拈
拄杖卓云還知麼吾無隱乎爾復卓一卓下座
上堂八月中秋不寒不熱簡點將來識情難測翻笑
寒山子有心似秋月世間多少人却認光影悅誰知

明月下元是昔愁賊喝一喝復舉楞嚴經云見見之時見非是見見猶離見見不能及師云釋迦老子到者裡恰是計窮力極轉身不得不肖兒孫爲伊出手去也見見之時見非是見見猶離見見不能及有人問我正好攔腮膀脊若知棒頭落處管教全體透徹何以脫體頓超知見外方名越格自繇人卓拄杖下座

上堂個事明明絕覆藏老僧有口難分析無奈時人不解薦眼睭睭地還如瞎所以道彌勒真彌勒分身千百億時時示時人時人自不識汝諸人識不識驀拈拄杖云若不識拄杖子善甄別爲諸人更漏泄直須當頭點破管教棒棒見血喝一喝下座衆請上堂師云老僧與你去至法堂衆擬作禮師云爲上堂了遂歸方丈

上堂五月五是端午九月九是重陽卽今却好個时节諸人不用別商量所以道三玄三要事難分得意忘言道易親一句明明該萬象重陽九日菊花新雖然老僧更向註脚下添註脚三玄三要事難分自知較一半得意忘言道易親無者閒心情一句明明該萬象眼花作甚麼重陽九日菊花新喝一喝下座

撫述

密雲禪師金卷二

四

上堂僧問十五日已前卽不問十五日已後是如何
 師云明日月漸虧進云明日後又如何師云三十日
 來與汝道進云卽今事作麼生師云速退速退乃舉
 僧問雲門如何是諸佛出身處門云東山水上行佛
 果云天寧卽不然如有問如何是諸佛出身處薰風
 自南來殿閣生微涼老僧又不然有問如何是諸佛
 出身處劈脊便棒且看古人恁麼道老僧恁麼行諸
 人還端的也無若也端的到方丈通個消息下座
 三峰漢月叅請上堂示臨濟宗旨來源一僧出問如
 何是和尚惡水潑人師便打僧擬開口師直打出法

堂云者便是臨濟宗旨復陞座云我禪門一事自世
 尊說法四十九年臨末稍頭於靈山會上拈花默顧
 大衆時百萬人天皆不知落處惟迦葉尊者破顏微笑
 世尊云吾有清淨法眼不立文字付囑摩訶迦葉
 廣流傳化母令斷絕謂之教外別傳至二十八祖到
 東震旦國直指人心見性成佛一日索門人各呈所
 見惟慧可大師只禮三拜歸位而立謂之得髓傳至
 六祖出南嶽青原二派有以言句疏通直指有以全
 機大用直指雖總爲直指言句直指令人多着意見
 路過直指之旨故南嶽受六祖密囑於言句中合機

撰述

名言金卷二

三

用謂馬祖云如牛駕車車若不行打牛卽是打車卽是後人尚多以意解以牛喻心以車喻身卽如此解豈可謂單傳直指不見馬祖與百丈行次見一群野鴨子祖云甚麼處去也丈云飛過去也祖扭丈鼻負痛失聲祖云又道飛過去也丈乃有省丈再參時祖視繩床角拂子丈云卽此用離此用祖云你向後開兩片皮將何爲人丈取拂子豎起祖云卽此用離此用丈掛拂舊處祖震威一喝丈乃悟旨後因黃檗辭參馬祖丈云馬師已過去了檗問馬祖存日有何言句丈云老僧被他一喝直得三日耳聲檗乃吐舌丈

云子後莫承嗣馬祖云麼檗云不然今日因師舉得見馬祖大機之用且不識馬祖若承嗣馬祖已後喪我兒孫故後臨濟三度問佛法的的大意檗只棒三頓濟後出世唯以棒喝接人不得如何若何只貴單刀直入時漢月出衆禮拜起便喝師云好一喝月又喝師云你更試喝一喝看月禮拜歸衆師乃顧漢月復舉僧問古德云朗月當空時如何古德云猶是階下漢僧云請師接上階古德云月落後來相見且道既是月落後又如何相見月便出法堂師便下座開爐上堂大地分明一個爐看來渾是火柴頭老僧

撰述

名著卷之二

七

信手輕挑撥便解翻身動地流慕拈拄杖云還有恁麼人麼試出來跨跳看僧問海衆雲從慈霖天霆現躍飛騰則不問如何是驅雷掣電底句師便喝進云恁麼則金粟花開寶林果熟去也師又喝僧禮拜歸衆蔡居士問一拳打破黃鶴樓一脚踢翻鸚鵡洲打破踢翻卽不問如何是一拳一脚師云今日且放過你乃舉起拄杖云舉一不得舉二放過一着落在第二擲下拄杖云落二去也且一又如何舉便下座上堂僧問如何是金粟境師云四野桑田如何是境中人師云金粟山頭望進云人境已蒙師指示擊鼓

陞堂事若何師云瞻之仰之間上無佛道可成下無衆生可度卽今陞座還有爲人處也無師云好與一棒進云過在什麼處師云猶嫌少在問金粟山頭密雲彌布大悲院裡法雨洪施爲甚麼地濕樹猶枯水深龍困伏師云汝試施設看僧以坐具作舞歸位師與一棒云且道是賞你罰你問教中道吾今爲汝保任此事保任則不問如何是此事師打云棒頭有眼乃云天晴日頭出雨下地上濕此事極分明問着皆擬測休擬測試看途中人頂傘田中人戴笠若擬測更參三生六十劫喝一喝下座

上堂有說皆成謗無言亦不容兩頭俱坐斷撒手出當中還有恁麼人麼速出來與金粟拄杖相見僧問鐘鼓丁東金相煥煌滿眼滿耳無覆無藏祇如聲色未萌覩聞莫及正恁麼時乞和尚通個消息師默然良久乃震威一喝進云人間四月春光盡金粟秋來菊正開長恨春歸無覓處誰知轉入此中來師云葛藤窠裡藏頭縮尾乃云默時說說時默大施門開無壅塞爭如臨濟小廝兒赤手全提白拈賊喝一喝下座

上堂僧問未白椎前學人已問也請師卽今答師打

云爲你答了也進云卽今學人現問也請師向未白椎前答師打云爲你答了也進云學人卽今總不恁麼問請師亦不恁麼答師打云爲你答了也進云蒼天蒼天師又打進云爭奈傍人有眼師連打三棒進云善知識難瞞師云休將惡水潑人乃云若論此事逼塞殺人直下一透便見三世諸佛歷代祖師天下老和尚都從個中出現乃至若天若人若僧若俗一切衆生盡向裡許流出但向一念未生前一提提得不被聲色籠罩玄妙知解轉變管教頭頭上全彰物物上獨露自然一處明去千處萬處光輝一機轉去

千機萬機透脫所以道日用事無別惟吾自偶諧慕拈拄杖云且道龐老子在什麼處安身立命悟徹本來堅密身永證金剛無量壽卓拄杖下座上堂今朝七月十五日盡十方僧自恣時地獄罪人乘此力鐵網鐵圍都解離慕拈拄杖云當恁麼時恣一句作麼生道世出世間俱不顧柳裸橫擔信步行下座

上堂僧問學人擬渡龍門乞師一接師以拂子作釣勢僧擬再語師云領取鉤頭意莫認定盤星問從上宗乘本是一個鼻孔爲什麼後代分宗列派請師明

示師云裂破舌頭進云如何是臨濟宗師云一棒打殺如何是雲門宗師云一喝便死如何是鴻仰宗師云想你跳他圓相不出如何是曹洞宗師云待你死了活來道如何是法眼宗師舉起拂子云會麼進云五家宗派蒙師指未知和尚是誰宗師與當頭一棒云試爲老僧分析看乃云入門便見賓王歷然開眼便明萬彙齊現若向賓王歷然處會未免無名立名無相見相遂見天是天地是地山是山水是水僧是僧俗是俗男是男女是女佛是佛祖是祖種種差殊若向萬彙齊現處見則天不是天地不是地山不是

60 1 2 3 4 5 6 7 8 9

10 1 2 3 4 5 6 7 8 9

山水不是水僧不是僧俗不是俗男不是男女不是女佛不是佛祖不是祖賓不是賓主不是主一道平等浩然太均且兩頭不涉獨脫一句作麼生道還委悉麼雲有出山勢水無投澗聲便下座

上堂今朝十月十六天色陰晴反覆不欲隨世變遷悟取本來面目已過關者聞恁麼道掉臂而去二時中折旋俯仰無非本地風光脫未諳悉二六時中未免業識茫茫無本可據且如何是本來面目喝一喝云還見麼地缺東南天空西北復喝一喝下座上堂突出難辨坐斷千差萬別一座舉起透徹萬別

千差所以道一法若有毘盧墮在凡夫萬法若無普賢失其境界豎起拄杖云者是拄杖子如何是普賢境界若也放過從教徧界分身若不放過不免一椎打碎何以爲諸人漆桶不快下座

上堂僧問一陽來復萬物資生萬物資生卽不問一陽在何處安身立命師云天上天下進云正當恁麼時心空及第去也師云腳跟下更少一頓在乃云有問有答便落言詮無問無答卽沉寂默沉寂默卽成誑滯言詮卽成謗所以道不可以言語造不可以寂默通語默向上有條通天大路又且如何良久云白

撰述

卷之二

十一

日青天全體露下座

師誕辰衆請上堂出家人與世人差悟徹無生透死
涯爲我慶生應有死何殊病目見空華諸人直下信
得及去則不見有生不見有死淨裸裸赤灑灑證取
自家境界豈不慶快平生復云證得當陽第一機個
中無是亦無非生死兩關都踢脫便是心空及第歸
下座

雲岫庵蘊虛講王請上堂或是或非人不識逆行順
行天莫測是非逆順都拈却無孔鐵鎌當面擲葛拈
拄杖云還見麼擊香几云還聞麼若也聞處精明見
處透脫當下知歸更不者也周繇豈不暢哉其或未
然更據今日時節分明說破雲岫庵中講法廣慧寺
裡參請老僧陞座舉揚急須直下猛省復喝一喝下
座

上堂僧問清淨本然云何忽生山河大地師云眼花
作麼進云如何是清淨本然師云腦後見腮乃云云當
陽一着無啓口處正眼洞明無迴避處所以道有一
物明歷歷黑似漆上拄天下拄地嘗在動用中動用
中收不得葛拈拄杖云穿却了也諸人還委悉也無
若委悉得日用之中折旋俯仰無非本地風光若不

撰述

密宗禪師語錄卷之二

悉委百姓日用而不知喝一喝下座

上堂僧問兩手空拳一貧如洗正恁麼時還有受用處也無師云速禮三拜進云恁麼則國清才子貴家窘有郎賢師云腳跟蹉過乃云個事繇來本現成何勞三十更施呈堂堂坐斷舌頭路歷歷孤明直下行喝一喝下座

上堂聲前一句無處出氣當陽一機直下猛覲直下觀透坐斷要津不通凡聖提得天上人間用去初無把柄到處逢人葛面欺直截單提全正令要使個個超佛越祖人人鼻孔遼天葛拈拄杖云當恁麼時如

何通氣他家自有通霄路便下座

上堂樹彫葉落明明脫體全彰雲散天空杲杲日輪當午正恁麼時霜風劈面來諸人還覺寒毛卓豎也無若也覺得如龍得水似虎靠山日用頭頭全體露折旋俯仰沒遮攔喝一喝下座

開爐上堂般若如大火聚擬之則燎却面門葛拈拄杖連卓云當爐不避火者與拄杖子相見僧問正偏兼帶卽不問臨濟家風事若何師便打僧擬進語師復打云再犯不容乃云火燄爲三世諸佛說法焰顧眉毛多少莖三世諸佛立地聽歷歷分明赤骨惺死

撰述

密宗真言錄卷一

十一

柴頭發渾身燄始可聯輝繼祖燈唱一喝卓拄杖下座

上堂有問有答正是業識茫茫無問無答亦是無本
可據直饒聞恁麼道撩起便行未免落在山僧圈繢
裡且不涉化門一句如何通信卓拄杖云舉頭天外
看誰是我般人下座

師六旬誕日上堂人人盡道今日生誰謂老僧今日
死但了死生個一時莫問世間花甲子下座

施主送綢紗法衣請上堂祖師西來傳衣表信老僧
今日據衣徵信還有知信處底麼出來對衆證明良
久乃云冬天披領夏袈裟引得時人笑轉盼若會其
中個消息方知錦上更添花一僧立座前擬開口師
打云還知麼便下座

上堂今朝是汝諸人滿期之日又是諸人圓戒之辰
亦是釋迦老子眼光落地時節若知釋迦老子眼光
落地處便是諸人圓戒處亦是諸人滿期處何以長
期短期千期萬期無非以悟爲期若也悟去便知適
來許多問答處遂舉拂云正恁麼時收因結果一句
作麼生道擲下云鯨吞海水盡露出珊瑚枝復舉僧
問鹽官如何是本身盧舍那官云與我過淨瓶來僧

撰述

密雲禪師語錄卷一

移淨瓶至官云却安舊處着僧安舊處復來問官云古佛過去久矣師云鹽官雖善使喚者僧大似勞而無功今日忽有人問如何是本身盧舍那劈脊便棒管教徹骨徹髓永劫不忘遂拽拄杖下座一時打散歸方丈

施主請上堂僧問檀信敬持無米飯前來供養十方僧如何是應供一句師云此去杭州一百五進云應供一句蒙師指今日陞堂事若何師云敗也敗也露也露也進云大眾證明某甲禮拜師云好不識羞僧便喝師云再喝一喝看僧又喝出堂師乃云此去杭

州一百五步步何曾有同互一毫頭上通消息十方世界全體露卓拄杖下座

上堂僧問傷嗟今古人幾個知恩德今古時人則不問如何是知恩報恩師云惜取鼻孔進云此猶是報恩邊事如何是知恩師云鼻孔也不識乃云茲因如盛等五僧爲薦師長父母乞老僧陞座適來乘白代請云此五人俱無父母師長大眾者一句請詞好個消息何以若據老僧看來不獨此五人無父母師尊盡大地一切人類俱無父母師尊祇因見有父母師尊便見有彼此人我各立種種分別取此捨彼取彼

捨此遂有憎愛致成輪轉流浪生死故諸佛世尊起大悲心示現降生開示悟入佛之知見令向父母未生以前一覲覩透不惟自己不從父母所生便見父母師尊一切衆生人人嘗光現前個個壁立萬仞不妨與釋迦老子同個鼻孔出氣所以道未離兜率已降王宮豈從父母所生未出母胎度人已畢豈從師長成立釋迦老子得者一着出世四十九年談經三百餘會祇要人人明得者個消息且道釋迦老子卽今在什麼處若知釋迦老子去處便見得父母師尊去處若知父母師尊去處便見得人人自己去處若

知自己去處便報得父母師尊之恩正當恁麼時報恩一句作麼生道將此深心奉塵刹是則名爲報佛恩下座

高麗僧曇晦請上堂僧問雲月不殊鄉國有異當陽一着迥絕遮攔雲月不殊卽不問當陽一着事如何師云放汝三十棒進云恁麼則知恩有地師云不知痛癢漢乃呈拄杖云個條拄杖別無才祇點諸人眼豁開徹見本來真面目不見凡胎與聖胎擲拄杖云見麼喝一喝復舉德山云今晚不答話問話者三十棒時有僧出禮拜山便打僧云某甲話也未問爲甚

提述

寶書館藏金卷二

却打某甲山云你是甚處人僧云新羅人山云未跨
船舷時好與三十棒師云德山行逸群之令格外提
持固是好手老僧卽不然待伊云新羅人便與連棒
打出使伊做個脫灑衲僧豈不快哉却云未跨船舷
時好與三十棒者僧未免向未跨船舷時新羅國裡
縣根大似龍頭蛇尾老僧恁麼批判衆中莫有爲德
山作王者出來與老僧拄杖子相見無則老僧作一
場獨弄去也拽拄杖下座一時打散歸方丈

爾立董居士請上堂聲前一句人人本具放過一着
落在第二若不放過打出骨髓因甚如此只爲諸人

不自薦取若也薦取所立卓爾以拄杖擊香几云還
薦麼卓一卓下座

開爐上堂金粟今日開爐竟無半個榦榦莫言冷落
空疎要凍諸人徹骨苟徹骨撞頭磕額乾坤窄喝一
喝復云大道祇在目前要且了無遮障爲甚等閒問
着十人五雙口似孫盤祇爲太分明本非男女相復
喝一喝下座

誕日上堂一年一度生一年一度老當人透過兩重
關白髮童顏非老少非老少脫體翻成無價寶嗟見
時人不善詣到頭哀送埋青草喝一喝下座

撰述

密雲禪師金言卷二

彌陀誕日僧本光請上堂老僧昨日是生日彌陀今日是生日我比彌陀先一日三世諸佛從此出所以道一切諸佛及諸佛阿耨多羅三藐三菩提法皆從此經出既從此出可謂諸佛老僧兒老僧諸佛父諸佛父法爾迥超凡聖路我見燈明佛本光瑞如此說甚婆婆并淨土喝一喝下座

上堂僧問世尊覩明星意旨如何師云瞎進云將謂和尚忘却了也師云漆桶不快僧喝師拈棒僧云元來元來便禮拜師云元來元來乃云今朝正是臘月八釋迦老子悟時節年年大地普皆知試問諸人徹不徹苟徹也與世尊把手共行不徹也且道過在阿誰拽拄杖下座一時打散歸方丈

春朝上堂春日晴黃鸝鳴聲聲無別事口口喚人惺且作麼惺等閒識得東風面萬紫千紅總是春春卽且置敢問諸人如何是東風面殿前犬子吠門外有人行驀地喚伊回首看元來鼻直兩眉橫且道伊是阿誰喝一喝云叅下座

覲雲吳居士請上堂呈偈云一場辛苦受風寒喜得逢春便覺歡癢相幾番難自舉今朝呈向老師看師云若據此偈就向無明窟中發露衆生界裡出頭可

撰述

密宗禪師言金卷二

謂坐斷報化佛頭不涉凡聖理路更說超生死越苦海登彼岸證涅槃正是無夢說夢第恐不是玉是玉也大奇所以昨日再三徵驗無語未實但言弟子說不出請和尚說卽今老僧癢相對衆舉似去也乃云老來血氣乾枯也抓着風皮白屑飛諸人癢處如抓着也須舉似老僧知下座

上堂蔡居士問方今彊場多故聖王焦勞如何得干戈不動天下太平師云未問已前早太平進云恁麼則萬民樂業去也師云阿誰不願乃云當陽曉示人
人越故超新覩面提持個個全身遠害若是上根利

器聊聞舉着剔起便行却較些子更若佇思停機掠人涕唾正似韓盧逐塊所以道平地上死人無數灼然出得荆棘林是好手一句作麼生道敵勝還他師子子出群須是丈夫兒下座

上堂人人本具個個圓成雖是當頭道着未免覩面瞞人何以諸人聞恁麼道往往依語生解便將人人口具個個圓成當自己本命元辰豈不瞞自了也若有不受瞞底明明白白見得透悟得徹則一念不生全體寂滅更有甚麼爲緣爲對爲障爲礙所以龐居士問石頭大師云不與萬法爲侶底是甚麼人頭掩

釋迦述

金剛經疏卷二

其口復持此語問馬祖。祖云：「待汝一口吸盡西江水，卽向汝道。」於言下大悟。作偈云：「有男不婚有女不嫁，大家團圓頭共說。無生話試問，諸人作麼生？是無生話。」一僧纔出，師打云：「棒下無生，恐臨機不見。」師良久云：「堂堂大道無人識。」頂門正眼廓周沙下座。上堂施主請陞座，對眾難啓齒，覲面便相呈。也是落第二，何以諸人分上着不得者？等閒家具便恁休去。多少省力！其或未然只得將錯就錯。向第二義門打葛藤道：「威音王已前赤灑灑，盡未來際淨裸裸。」卽今各各寒威凜凜，本無彼此人我。既無彼此人我，且道

是個甚麼還委悉麼？從來千聖莫能識。造次凡流豈可名下座？

解制上堂。僧問今日解制，開門蕩戶，獅象紛紛如何。分付師便打進云：「恁麼則無影枝頭一點春。」師復打僧喝一喝，歸衆。師乃云：「解開布袋口，衲子都抖擻。」一如虎龍人人攬前走。世法出世法，一切通莫受力。用要機先，莫着隨人後。不隨老僧言，始可爲分付。所以道古聖不安排，至今無處所。還委悉麼？逢人驀面欺堪作獅子吼。喝一喝下座。

師龍池掃塔過萬壽法藏禪寺，琅玕曹居士等請上

撰述

密雲禪師語錄卷二

三

堂山僧出家將及四十載別也無成得甚麼事祇明得祖師西來直指人^心見性成佛一着子今日承衆居士命陞此座爭敢囊藏被蓋未免八字打開爲諸人直指去也遂拈拄杖旋指云見麼會麼若也見得透會得徹二六時中覲體全彰折旋俯仰全身運用無動相可見靜相可立無心可明無佛可成無衆生可度何以不見道心佛衆生三無差別旣無差別卽說個心佛與衆生都在其間卽說個佛心與衆生都在其間卽說個衆生心與佛亦在其間如是則說一卽三言三卽一卽說個心佛衆生亦是對待而言強

生分別若不分別山僧到此有口如啞有耳如聾言語道斷心行處滅故達磨盡力直道不識二祖覓心了不可得然雖如是沒量大人亦是應機之說似向死水淹却不肖兒孫另出隻手以一莖草作丈六金身用以丈六金身作一莖草用爲諸人重指點去復拈拄杖旋指云還見麼棒頭有眼明如日要識真金火裡看卓拄杖下座

師過姑蘇鄧尉山天壽聖恩禪寺掃萬峰寶藏兩祖塔居士周居實趙盡庵等請上堂漢月藏公問問也打不問也打飽領多矣今請別垂方便師便喝進云

打也問不打也問呈似多矣此時另轉家風師亦喝藏轉身云大衆一句了然超百億粉骨碎身未足酬各禮一拜答謝師恩衆禮拜起藏進身數步云末後一句始到牢關最後之機乞師賜棒師云面皮厚三寸藏復禮歸衆項目問從上來事分付阿誰師云腦後見腮進云恁麼則臨濟一宗全承渠力師云腳跟下更須喫棒進云謝師指示便禮拜師乃云今日不肖兒孫高陞遠祖之堂不必更說偈言覲面爲衆舉揚急着眼莫思量遠得便行真漢子人間天上更無雙師卓拄杖藏率衆禮拜便喝師便打下座

師至海鹽天寧寺衆請千佛閣基上堂僧問昔年唱導今日重臨未審如何話會師云喚你是漆桶進云寶閣纔典千佛卽今在甚麼處安頓師云看脚下進云實際理地佛事門頭二俱不立請師速道師云速退速退進云不遇吾師至誰堪話歲寒師云閑言語金居士問二百六十年無此事今日一佛出世千佛已齊和尚如何安置師便喝士豎一指師云休捏怪士轉身歸位師乃云偶來天寧寺衆請高登座已是覲面呈何須更話墮若人如是會當下便安妥其或未然更向第二義門舉個古人通個消息不見昔日

捲之三

密雲禪師語錄卷之三

廣額屠兒至世尊前放下屠刀云我是千佛一數今日若貴若賤若僧若俗若男若女人人俱登千佛寶閣基上一一莫非千佛之數還信得及麼若信不及山僧更向十字街頭叫喚去云我不敢輕於汝等汝等皆當作佛便下座

師受黃檗山請過古杭報國禪院鳳亭韓居士等請上堂個事初無隱覆亦無彼此迷悟只因人自不薦各各自生差互但能一念回光便見浩然獨露如是則縱目所觀無僧無俗無貴無賤無男無女無滅無生一道平等浩然大均乃至上至諸佛下至螻蟻都

盧是個本來面目如是滅度無量無邊衆生實無衆生可得滅度止當恁麼時潛行密用樂業安邦一句作麼生道呈拄杖云還委悉麼將此深心奉塵刹是則名爲報國恩下座

福建福州黃檗山萬福禪寺語錄

崇禎三年檀越衆居士請於三月廿七日入院至山門以拄杖指云昔日遠祖斷際禪師從此出今日不肖兒孫從此入雖然出入不同要且同爲標格呈拄杖云大衆還見麼便入

方丈師佇立云只者些兒去處從上佛祖與人解粘

機述

密雲禪師語錄卷二

去縛之所且道忽遇赤條條地來時如何正好與伊三十拄杖爲甚如此不見道青天也須喫棒衆請上堂拈香云者瓣香與天地同根萬物一體爇向爐中端爲祝延

今上皇帝聖躬萬歲萬歲萬歲恭願皇圖鞏固帝道遐昌天下太平萬民樂業者瓣香收來劫遠舉處全真爇向爐中奉爲滿朝文武天下官僚本山護法請王井及遠近檀那伏願同明本地風光共證元初正體者瓣香不從他處得來祇向自信中拈出四回爇向爐中供養直隸嘗州府荆溪龍池山禹門禪院

傳曹溪正脈三十三世幻有先師傳和尚用酬法乳之恩飲衣敷座上首白椎竟師云隻葉扁舟泛海中乘風來到福城東洪波浩渺無餘事只作拋絲擲釣翁還有衝浪金鱗麼出衆相見僧問黃檗痛施三頓棒臨濟家風自此興今日吾師應茲席擬將何法付何人師云放汝三十棒進云請師再道一句師云猶不知羞在僧禮拜退問如何是向上事師云黃檗山頂問慈雲彌布獅象駢臻和尚將何垂示師便打進云恁麼則無影樹上一枝花香滿大千世界師云切莫眼花乃云口吞佛祖眼蓋乾坤刹海無餘大方獨

步所以道法隨法行法幢隨處建立全機大用覲面
提持若金翅膀海直取龍吞衲僧無湊泊處衆生無
迴避處祇要諸人略回光相着眼自看便見透脫分
曉慕呈拄杖云還見麼擊香几云還聞麼若也聞處
精明見處透徹則聲色翳障全消聞見之元亦脫似
透網金鱗通身踴躍正當恁麼時如何舉頭天外看
誰是我般人復舉黃檗斷際禪師旅寓洪州開元寺
裴相國一日入寺行次見壁畫問寺王云者畫是甚
麼寺王云是高僧相國云形影在者裡高僧在甚麼
處寺王無對相國云是處有禪僧麼寺王云有一人
處不省則祇知事逐眼前過不覺老從頭上來喝一
喝下座

文範林居士誕辰請上堂生也全體現死也全體現
生死與去來不隔一條線如是則見虛空大地明暗
色空四大五陰十八界生老病死憂悲苦惱親愛纏

卷之二

空空禪師語錄卷之二

二四

繞正是病目見空華如蠶作繭自纏自縛更若見佛
見祖見衆生三賢十聖等妙一覺乃至見心性玄妙
亦是自作窠窟畫地爲牢墮坑落塹正恁麼時作麼
生是超然一句還委悉麼直透萬重關放出個隻箭
下座

上堂三條椽下七尺單前正好朝打八百暮打三千
若也會得伸腳打眠若然不會半夜起來屈膝坐毛
頭星現衲僧前喝一喝云叅下座

上堂今朝五月五家家賞端午惟我林下人一味無
時度所以道謹白叅玄人光陰莫虛度且道石頭老
子尋嘗向甚麼處着到還委麼雲從龍風從虎喝一
喝下座

追嚴請上堂僧問叶不應山則不問無陰陽地是如
何師云須彌山進云某甲不恁麼道師云汝又作麼
生僧喝師云喝後如何僧禮拜師云大眾笑你問赤
肉無依白骨離骸如何是最初安身立命句師云看
脚下乃云生而非生鏡裡之形滅而不滅水中之月
大眾水月與鏡形非從描畫得應須急着眼切莫擬
商量荐取本來真面目徧界明明絕覆藏便下座

上堂僧問十二峰頭雲霧遮蓋時如何師云瞎九龍

潭水白浪滔天時如何師云莫亂做正當水清雲淨時如何師云去僧禮拜云恁麼則青山綠水去也師云錯乃云六月初一正炎熱人人通體汗流出忽然一陣涼風來個個仍前乾暴暴且道乾暴暴底是汗流出底是汗流出底是則不應有乾暴暴底時節乾暴暴底是則不應有汗流出底時節恐悞賺諸人老僧不敢道破諸人也須各各自悟討個分曉始得下座

上堂十五日已前過去莫思量十五日已後未來休指望今日正當十五日覩面人人自不識既是覩面因甚却不識只爲分明極苟識也前後今朝俱屏跡無始未來無變易喝一喝云還識麼不勞久立珍重下座

上堂拈拄杖敲香几云打草爲要蛇驚喝一喝云哩面祇要人惺苟惺也如日昇空無所倚十方世界現全形若不惺切莫錯怪老僧且道過在阿誰喝一喝下座

解制上堂僧問結制解制總不問不結不解一句作麼生師云舌頭元在口僧拂袖便行師云切莫亂走問大坐當軒獨露本來面目豁開戶牖放出無位真

人元是屋裡底爲甚人不識師云爲汝眼花進云和尚道甚麼師云道汝耳聾僧便出師乃云共來黃檗山聚首三個月愧我無法說白棒當頭楔不圖結良緣却要恨徹骨今朝各自行個個都禿極復云今朝七月十五家家追宗薦祖寺寺供佛供祖惟是本分衲僧却尚超佛越祖爲甚如此丈夫自有冲天志不向他人行處行便下座

師過福州西禪寺衆請上堂山僧自到西禪寺日日上堂不爲意今朝請我更相呈試問諸人會不會苟會也人人個個難迴避苟不會不免更露個消息以拄杖架肩云櫛櫻橫擔不顧人直入千峰萬峰去下座

師過古杭鳳林寺衆請上堂昔日烏窠棲樹稍今知此地烏窠巢雖然親到烏窠地不學烏窠吹布毛遂以手作拈勢吹云既不吹布毛且道吹個甚麼諸人若也眼開心悟個個會通侍者且作麼生是悟底意旨衆中還有悟者麼試出來通個消息良久云一總若無山僧今日失利復舉樂天白居士叅烏窠云我師住處甚險窠云居士危險尤甚士云弟子位鎮江山何險之有窠云薪火交煎識性不停得非險乎師

撰述

卷之三

舉起拂子云諸人若見山僧舉起拂子卽心火交煎放下拂子云若見山僧放下拂子卽識性不停所以東印土國王請般若多羅尊者齋問云諸僧皆轉經尊者爲甚不轉經尊者云貧道入息不居陰界出息不涉衆緣嘗轉如是經百千萬億卷復舉起拂子云諸人若見舉起拂子卽涉衆緣放下拂子云若見放下拂子卽居陰界併爲諸人頌出不居陰界不隨緣從來薪火不交煎道人行處嘗如是信步悠悠自然而然便下座

師過姑蘇北禪寺養病值誕辰衆強請上堂僧問人

人盡道今日是生日且道卽今是生不是生師云放下兩頭進云與麼則禮三拜爲和尚祝壽去也師便打乃云山僧六十有五素來不涉迷悟無端痢疾三年累得通身骨露若人如是證明管取超佛越祖日用二六時中直教更無差互若能如是行持定證金剛堅固試看碓坊踏碓人終日未嘗移一步蘇州城有六座門門有路通人路可惜無人簡點知其數便下座

密雲禪師語錄卷第二終

密雲禪師語錄卷第三

嗣法門人海明編

浙江寧波鄧山育王廣利禪寺語錄

司理黃端伯檀越王道元祁彪佳請於二月三日入
院至三門云十方薄伽梵一路涅槃門問汝諸人且
道路頭在什麼處看脚下始得

方丈據座云老僧到者裡不若淨名杜口亦非釋迦
掩室且道如何施設縱然鐵額銅頭衲僧到來也須
棒棒見血爲甚如此放過不得遂起

司理元公黃居士請上堂師指法座云者便是大司

撰述

卷三

理大護法於丁卯秋盧山開先寺撞倒底鐵山今對人天衆前扶起去也還見麼遂陞拈香云者瓣香根盤太虛空外幹共乾坤並秀爇向爐中端爲祝延今上皇帝萬歲萬歲萬歲次拈香云者瓣香明同日月光臨萬物爇向爐中奉爲滿朝文武天下官僚今日請主大司理并諸檀越伏願般若智以現前無緣慈而濟物又拈香云者瓣香自從親遭毒手至今痛恨不徹不免對衆拈出五回爇向爐中耑爲供養直隸嘗州府荆溪龍池山禹門堂上傳曹溪正脉十三世幻有先師大和尚用酬法乳之恩敷坐上首

白槌云法筵龍象衆當觀第一義師云若論第一義適來未陞座前人人顯示了也更向槌下聽人處分分明已落第二義還有耳不隨聲眼不逐色者麼出衆相見一僧出舉坐具云者個是聲是色師打云見麼進云更請吾師再道一句師復打僧喝師又打問未知有底直須撞倒鐵山及乎知有自己却是一座鐵山未審和尚到此如何酬唱師打云且道是賞你罰你進云老大大話頭也不識師復打噓兩聲乃云布縵天羅網打衝浪鯢鯨若是透網金鱗聞恁麼道便乃通身踴躍出來掀倒禪床喝散大衆飛騰而

撰述

宋高僧傳記卷三

二

卷三

去豈不慶快平生其或未然不免道祖師心印狀似
鐵牛之機去卽印住住卽印破便能隨處作主遇緣
卽宗法隨法行法幢隨處建立况逢明眼作證豈敢
被蓋囊藏應須覲面顯揚當頭點破若解返炤廻光
便見透脫分曉分明自家境界一着本來面目覲體
現前全機大用祇憑者個威光不向別處流轉遂堅
拂云若向者裡覬得透開隻眼用得去方知開口不
在舌頭上可謂一言通時千言萬言不會道着一字
一機用去千機萬機全體顯露如壯士屈伸不借他
力師子遊行不求伴侶雖然猶是從上來建法幢立
宗旨底標格設若坐斷報化佛頭透過祖師巴鼻不
涉化門一句又作麼生道還委悉麼皇風浩蕩乾坤
廓野老謳歌春晝長復舉阿育王問賓頭盧尊者云
嘗聞尊者親見佛來是否者以兩手策起眉毛云會
麼王云不會者云阿耨達池龍王請佛齋吾亦預數
遠祖虎丘和尚云尊者得大機顯大用不謾親見佛
來雖然賴遇育王放過若不放過洎合打失眉毛打
失眉毛且置祇如策起眉毛又作麼生還會麼當臺
一鑑明如日萬古晴空絕是非師云虎丘和尚判得
十分明白爭奈猶剩一半祇如尊者道阿耨達池龍

撰述

卷三

王請佛齋吾亦預數且道今日阿育王寺十方聚會同共一齋賓頭盧還預數也無如不預數古今則有二道若預數卽今賓頭盧在什麼處諸人還知麼其或未知各各策起眉毛試看取好卓拄杖下座

追嚴請上堂今朝三月十九盡道觀音生日且問大眾觀音生在甚麼去處若知觀音生處便知曹溪鄧居士死底去處既知鄧居士死底去處卽知觀音生底時節旣知觀音生底時節便見鄧居士生與觀音現身說法死亦與觀音現身說法旣皆現身可謂淨法界身本無出沒旣皆說法可謂大悲願力示現受

生如是則刹說衆生說十方三世一時說又烏用山僧播兩片皮掉三寸舌何故徧界盡非嘗草木何山松柏不青青下座

上堂雨下地濕天晴日出水綠山青桃紅李白一一皆呈奇特只是不得將眼看并口說爲甚如此風前鐵樹花開別是一般春色下座

上堂三世諸佛不知有從空放下狸奴白牯却知有憑地昇高從空放下無衆生可度憑地昇高超佛越祖超佛越祖衆生度盡恒沙佛無衆生可度諸佛何曾度一人雖然如是忽若兩頭坐斷中間撒開突出

撰述

寶聖福印金卷二

四

難辨一句又作麼生道披簾側立千峰外引水澆蔬

五老前下座

鄭居士誕日請上堂突出難辨不容擬議尋思正眼
豁開洞徹去來無際所以道未離兜率已降王宮未
出母胎度人已畢且道正當恁麼時度個甚麼人說
又恐涉繁詞諸人各各自悟始得卓拄杖下座

上堂子規啼血滿花枝口口聲聲祇咷歸不耐時人
猶不惺年年三月又來啼大眾還委麼自是不歸歸
使得五湖烟景有誰爭卓拄杖下座

上堂聲前一着人人本自圓成正體湛然個個初無

向背祇因不覺逐色隨聲捉一放一不得解脫若能
回光克證無生法忍無繫無拘管取自繇自在何以
如此雖然不假修成得日用須教要自繇便下座

上堂現成公案不用尋思八字眉分無干心力如是
則恁麼也不得不恁麼也不得恁麼不恁麼總不得
未免向死水裡躲根設若恁麼也得不恁麼也得恁
麼不恁麼總得也是在葛藤窠裡作活計不落兩頭
機不墮中間位且道二六時中如何受用萬仞峰頭
獨足行喝一喝卓拄杖下座

奉化岳林寺主請上堂諸佛與衆生本無優與劣祇

撰述

密雲禪師語錄卷三

王

因自不覺妄自生分別分別若不生洞然最明白人
人絕覆藏個個無隱匿所以道彌勒真彌勒化身千
百億時時示時人時人自不識且卽今各各人人那
個是彌勒若也識便安怙其或未然來年更有新條
在惱亂春風卒未休下座

四月旦日上堂三春已過孟夏初臨山中樹綠田裡
秧青蠶婦剪桑農夫催耕情與無情一一皆真所以
道是法住法位世間相嘗住若識相嘗住方堪有本
據其或未然有寒暑兮促君壽有鬼神兮妬君福下
座

佛誕日解制上堂僧問解開布袋口放出一群牛正
當恁麼時如何是慶賞一句師便打進云大有人不
肯又如何師又打僧一喝師復打乃云二月十五舊
公案四月初八便結絕雖然日子却無多養就一群
如老賊開門放出諸方去拶着翻身便返擲衲僧若
不解如此却被他人穿你鼻到此翻思懊悔時莫言
老僧不與說遂舉世尊初生周行七步目顧四方一
手指天一手指地云天上天下惟我獨尊釋迦老漢
旣如是汝等諸人猶向老僧更擬討甚麼碗摸拄杖
下座一時打散

撰述

密雲禪師語錄卷三

再任嘉興金粟山廣慧禪寺語錄

上堂道人踐履絕行踪去亦如斯來亦同來去同同了無異去來一味舊家風如是則大智圓明體無向背聲和響順形直影端在彼在此獨露嘗光一去一來豈生二相正恁麼時且作麼生是諸人底舊家風還委悉麼須知鷺嶺當年事一念回光自宛然卓拄杖下座

施主請上堂亘古亘今金剛體密密綿綿嘗證入不生不滅如來藏頭頭物物悉包容所以道空可空非真空色可色非真色真色無形真空無名無名名之

父無色色之母能爲三界之根作天地之祖如是則金剛體生育之本如來藏造化之源能作奇特因能顯難思事若上根利智向文彩未彰已前當頭一時坐斷淨衆衆赤灑灑如天普蓋似地普擎如虛空寬廣如日月普照一道清虛靡不貫徹感應道交綿綿爪蹠葛拈拄杖云當恁麼時且作麼生是造化之源生育之本杖頭點出金剛眼彈指圓成八萬門卓拄杖下座

施主請上堂正令當行十方坐斷宗旨建立毫髮無差是以摩竭掩室毗耶杜詞斯皆理爲神御故口以

之而默豈曰無辨辨所不能言也如天不言靡所不
益如地不言靡所不載故曰天無私益地無私載天
若私則有益有不益地若私則有載有不載古人所
謂皇天無二道聖人無兩心雖無二道昆蟲草木咸
植其中隨其根性悉遂其生故法華經云密雲彌布
一雨普滋斯非法喻齊彰佛天無二者乎遂舉拂云
有眼者見復敲香几云有耳者聞聞見分明是個甚
麼擲拂云正恁麼時諸人分上又作麼生還委悉麼
一氣不言含有象萬靈悉稟共同根下座

追嚴請上堂僧問析肉還毋析骨還父父母非我親

誰是最親者師云眼中着屑進云千江有水千江月
一道寒光亘古今師云錯認定盤星問大事未明如
喪考妣是如何師云萬仞峰頭獨足立大事已明如
喪考妣是如何師云千山萬山獨行去僧禮拜師乃
云生死去來全體現陰間陽世絕行踪驀拈拄杖指
云杖頭指着金剛體汝毋回光證舊容喝一喝云還
見麼卓拄杖下座

上堂纔然五月念九又是七月初一可謂日月如梭
光陰迅速諸人還得個休歇也未若得個休歇便見
釋迦老子道我能促一劫如半日延半日如一劫趙

撰述

密雲禪印金卷三

州亦云諸人被十二時使老僧使得十二時不是神
通妙用亦非法爾如然斯皆親證實到大休大歇時
節所以不見刦之長日之短全憑者個威光不向別
處流轉其或未然祇知事逐眼前過不覺老從頭上
來下座

浙江寧波天童山景德禪寺語錄

崇禎四年司理端伯黃公并檀越之垣徐公有杞徐
居士等請於四月三日入院至

古佛殿基云虛空作殿日月爲燈且道是什麼人境
界還會歷設或未會且看新長老撒開坐具大展三

拜

方丈云據此室行此令從教天下衲僧來乞命一一
爲伊當頭按定卓拄杖遂起

當日衆請上堂至法座云須彌燈王如來已坐斷諸
人路頭了也且轉身意旨又作麼生會如或未會更
爲諸人撥轉上頭關去也遂陞拈香云此瓣香奉爲
今上皇帝祝延聖躬萬歲萬歲伏願國運與日月
長明國界與乾坤並固此瓣香奉爲滿朝文武天下
官僚併今日本山請王司理黃元公居士維翰徐居
士松里徐居士伏願道心堅固現隨類身導引群品

共證菩提此辦香參侍二十餘年一日親蒙印可不敢忘却第六回爇向爐中耑爲龍池禹門堂上幻有先師大和尚用酬法乳之恩上首白椎云法筵龍象衆當觀第一義師云人人絕覆藏個個無向背誰更有第一第二而復言觀還有共相證明者麼出衆相見僧問清關橋下五湖雲太白峰頭萬古月天童諸祖頂領門今日請師重着楔師便打進云祖禰不了弗勞殃及師又打云正要殃及你僧喝一喝拂坐具歸衆問昔日應庵和尚問天童傑禪師云如何是正法眼傑答云破砂盆意旨如何師云門前七座塔進

云師意如何師便打進云某帶文不然師云你又作麼生進云瞎師又打乃云光吞萬象氣絕諸塵淨衆衆赤灑灑提則天上人間放則無處迴避所以道動若行雲止猶谷神既無心於彼此豈有象於去來去來不以象動靜不以心如是則昨日在育王不曾相着今朝來天童又何嘗相逐於此於彼無取無捨故能隨處作主遇緣卽宗當頭點破廓開人天正眼赤手提持使證自家境界無倚無依自繇自在且今日開堂祝聖一句作麼生道邊邦寧靖歸王化萬姓謳歌樂太平下座

開爐上堂天童寺裡結制無端劃地爲牢更若把斷咽喉諸人向甚處出氣還有恁麼人麼試出來對衆舉看僧問大開爐鞴陶鑄賢才祇如火不能燒水不能漂底衲僧到來和尚又作麼生師云烏龜水底深藏六進云恁麼則成堅固不壞去也師便打問如何是堂奧中事師云你且去門外立僧歸衆師乃云太白山中儘有柴一株不許衆人搬老僧不是多護惜爲要諸人徹骨寒雖然如是只如道三界無安猶如火宅諸人又向甚麼處廻避若也廻避得可以高超三界獨步大方其或未然各各炤顧眉鬚始得便下

座

上堂僧問和尚未露家風學人已呈行履更借問得一句麼師云莫亂道進云如何是殺人刀師打云一棒打殺進云如何是活人劍師打云自領出去問正令纔施卽不問聲前一句意何如師云合取狗口進云前後卽無作麼勦絕得去師云背後看取乃云問話且置結制得半個月日也諸人本分事作麼生一僧纔出師云本分事作麼生僧擬議師便打僧喝師云三喝四喝後作麼生僧佇思師連打云大眾不煩久立下座

上堂僧問出沒卷舒卽不問赤條條地事如何師云更着幾重來僧拂袖而出問竿頭撒手時如何師云兩脚捎空僧擬進語師便打乃云問話且置大眾要老僧入室卽今當堂與你們入室也不用古人底話老僧杜撰三句話初心久學皆可用遂云莫立程途別用功行住坐臥看何從忽然看徹無從底大眾下語看衆下語師皆未諾便下座

上堂今日仲冬十五日霜風刮面侵人骨明明歷歷不曾藏烏用山僧更饒舌乃舉僧問雲門如何是諸佛出身處門云東山水上行佛果道天寧卽不然如

有問如何是諸佛出身處向他道薰風自南來殿閣生微涼今日天童又不然如有問如何是諸佛出身處劈脊便棒下座

師誕日衆請上堂今年十一月十六日也是者個時節去年十一月十六日也是者個時節前年十一月十六日也是者個時節外前年十一月十六日也是者個時節乃至從無始十一月十六日總是者個時節來年十一月十六日也是者個時節後年十一月十六日也是者個時節外後年十一月十六日也是者個時節乃至盡未來際十一月十六日也是者個

時節既都是者個時節喚作過去不得喚作未來不得喚作現在不得既都不得喚作生得麼喚作滅得麼喚作不生不滅得麼所以道欲識佛性義當觀时节因緣時節若至如迷忽悟如忘忽憶正當恁麼時依時及節一句作麼生道良久云仲冬嚴寒衆慈伏惟珍重下座

上堂舉臨濟大師道一句語具三玄門一玄門具三
要有權有用汝等諸人作麼生會下座師乃召云大
衆祇如適來問答向什麼處去若知去處有實有用
便下座

臘八上堂僧問如何是佛成道日師云你甚處去來
僧擬進語師直打出乃云自古至今臘月八年年午
夜一天星釋迦老子已悟去因甚諸人不自惺苟惺
也盡大地無纖毫過患所以道普觀一切衆生皆具
如來智慧德相但以妄想執着而不證得且問諸人
作麼生說個不執着底道理又作麼生說個執着底
道理卓拄杖下座

幻有和尚忌日拈香云親遭毒手不容情大棒通身
徹不禁一年一度燒香日翻憶令人恨轉深便燒
解制上堂今朝臘月三十日又是解制之辰且問大

衆作麼生是收因結果依時及節底句若也道得天下橫行其或未然閻老子筭飯錢打鬼骨脣莫言不道下座

歲朝上堂新歲舊年現成公案越古超今時人不薦林下道人不隨世變所以道有物先天地無形本寂寥能爲萬象主不逐四時凋喝一喝卓拄杖下座上堂人以生爲勞不以死爲慮忽然死到來茫無着落處誰知當處生當處死當處埋若能如是會不動出三灾所以釋迦老子云吾今爲汝保任此事終不虛也且作麼生是不虛底事以拄杖敲香几云棒打

石人頭曝曝論實事此是通保姚居士爲薦亡女請山僧說底法復舉罷居士云有男不婚有女不嫁大家團圓頭共說無生話無生卽不問且問你女亡三年還得團圓頭也無若還團圓頭卽知你女安身立命處亦知你自己安身立命處若不得團圓頭不但不知汝女安身立命處亦不知自己安身立命處既若不知亦未免茫無着落你且回去商量明白了再來與山僧通個消息山僧爲你證明下座追嚴請上堂通烹誠心修供養供養一切諸如來請我舉揚般若力爲薦父母超凡胎聖凡不同同鼻孔

撰述

高僧傳印記金卷三

十四

馨香臭穢一般開卓拄杖下座

清明日請上堂今日正當清明節家家祭掃拜墳坐
 祇爲生身不忘本所以追思遠祖宗明新禪人特修
 齋供佛祭掃祖師塔請我舉揚無別事報答父母及
 師長雖然如是其間多有隨其風俗以了故事而已
 縱有搥胸痛哭者亦不過不見團圓私念愛情要如
 孔夫子言祭如在祭神如神在者卽罕矣惟我佛祖
 親兒孫似乎不然所以法華會上藥王菩薩焚身供佛
 倍讚云善男子是真精進是名真法供養如來於是
 藥王還復如故智者大師讀到此處忽然有省獲旋
 受吳嶽峰爲僧上堂世緣頓盡截斷愛情出類拔萃
 作大丈夫正宜永披忍辱鎧嘗操智慧刀與縊魔煩
 惱魔死魔共戰滅三毒破魔網如鳥出籠金鱗透網
 且無依無倚善始善終一句作麼生道雪後始知松
 杷操事難方見丈夫心下座

端午上堂今朝五月五日知事頭首乞老僧陞座應
 個時節老僧無計可處何以雄黃燒酒固也不可要

且無個銅錢買糯米思量到計窮力極忽然得個富不有餘貧無不足真可謂是個平等法門正可以與世移風易俗遂豎起兩拳云只將者兩個大糭子供養大眾一任大眾橫咬豎咬忽然咬着自家底直得人人飽足免得窮廝煎餓廝炒爲甚如此到底終輸自家寶下座

開爐上堂自古叢林四月結制十月開爐現前大眾若僧若俗若貴若賤若男若女還知個個具個清淨寶爐不假一莖柴不須一塊炭晝夜熾然無你迴避處無你間隔處諸佛證之得大自繇興大作用不繇

他得故曰如我按指海印發光衆生昧之隨聲逐色起倒攀緣心如猿猴捉一放一業識茫茫無本可據遂成三毒無明之火故曰汝暫舉心塵勞先起不論僧俗貴賤男女但肯廻光證取自家境界如大紅爐光明烜赫所以道般若大智如大火聚擬之則燎却面門敢問大眾旣燎却面門且道眼睛鼻孔向甚麼處出氣各知出氣處則全體發現不被聲色之所籠罩誰復更起貪嗔癡之所轉變如是可謂出類拔萃超群越格世出世間真大丈夫倘或未然請各舉頭天外看誰是我般人卓拄杖下座

60 1 2 3 4 5 6 7 8 9 80 1 2 3 4 5 6 7 8 9

薦親請上堂一僧纔出師與當頭一棒云當頭點破世出世間沒間隔覲面洞明生死變異體全彰所以道無邊刹海自他不隔於毫端十世古今始終不移於當念又有道者一片田地分付來多少時也我立地待汝搆去諸人還搆得麼若也搆得便見一切衆生無非具者一片田地三世諸佛出世說法無非發明者一片田地歷代祖師天下老和尚爲人直指無非直指者一片田地乃至今日可志史居士入山修供命山僧陞於此座無非舉揚者一片田地追薦二親同明者一片田地以見昔日生本非生者一片田頭拈拄杖下座

病起上堂老僧病一個半月日未嘗與諸人說佛法如是告報若明眼衲僧已千里萬里去也其或尚留觀聽猶涉狐疑則更向第二義門矢上加尖去也老僧病一個半月日本地風光諸人一個半月日挑磚運瓦拖柴拽石禪床裡打坐經行齋堂裡喫粥喫飯

撰述

名賢詩集卷三

乃至東廁上尿桶邊無非是諸人真實之體祇如透過許多閒門破戶真實體上又如何通信鴛鴦綉出從君看不把金針度與人卓拄杖下座歲旦上堂今朝正是正月一陞座拈香祝

聖畢普請唱個太平歌摩訶般若波羅密復舉僧問趙州云萬法歸一一歸何處州云我在青州做領布衫重七斤卽今忽有問天童萬法歸一一歸何處只向他道不煩久立下座

施主請上堂只因施主慇懃請老僧無力強陞堂急着眼莫思量彼此明明沒覆藏舉拂云覲面提持當薦取毋教歸去更茫茫復舉龐居士云十方同聚會師云大家在者裡個個學無爲師云用學則不堪此是選佛場師云人人當自強心空及第歸師云看脚下復五註已註破大衆還會麼若未會更爲頌出十方聚會沒邊疆個個無爲絕較量各信腳跟行取去那來歸路更茫茫卓拄杖下座

上堂天童者裡不敢虧人你有半斤稱你八兩你有十尺量你一丈衆中若有個漢聞恁麼道忿性出來道都來總是個無星秤尺又稱量個甚麼老僧但向他道一釣便上若也會得有功者賞若會不得領取

懶遊

密雲禪師錄卷三

鈎頭意莫認定盤星下座

端午上堂今日端午請我上堂不待追鐘不待擂鼓
靜悄悄底汝等諸人作麼生會下座

結制上堂僧問三界唯心萬法唯識如何是學人心
識不到處師便打如何是一門深入師又打云切莫
刺腦入膠盆乃云天童結制無他事祇爲諸人不荐
取若荐取大千世界絕行踪日用直須以本據敢問
諸人本據又作麼生便下座

上堂一見再見無二見一得永得沒兩般彈指云急
薦取莫瞞預畢竟明明是何物從教東北與西南下

座

修之毛湛居士入山講上堂佛以一音演說法以杖
指大眾云杖頭指出太分明千里同風不隔線目對
靈光與妙音如是則不動步相昭向是非得失外不
起念承當於文彩未生前只如廉纖不涉彼此不干
一句如何通信三事衲衣青嶂外頂冠束帶萬人中
下座

師誕日請上堂大眾爲我慶誕兼乞老僧上堂却成
世諦流俗怎不取笑諸方殊不知生死卽出生死因
曇花處處開法法現全倫所以道法本法無法無法

傳道

寶雲禪師語錄卷二

井

法亦法今付無法時法法何曾法喝一喝卓拄杖下座

上堂僧問如何是祖師西來意師云達磨過去久矣進云去到甚麼處師便打問如何是初一已前事師云昨日三十日進云如何是初一已後事師云來日向你道進云正當初一日如何師便打乃云今朝十二月初一執事頭首請上堂老僧老兮懶饒舌者麼明明爲舉揚下座

上堂卓拄杖云諸人皆有一條拄杖擬欲進前拄杖礙却路頭擬欲退後拄杖穿却鼻孔只如不進不退

拄杖在什麼處以拄杖架肩云拄天拄地無人會收攝肩來力荷歸下座

解制上堂僧問結制解制卽不問天童佛法是如何師云看脚下進云學人不會師云還我九十日飯錢來問如何是過去佛師云釋迦老子如何是現在佛師云大地衆生如何是未來佛師云莫妄想乃云諸人盡道解制殊不知天童之制結解不結解總不必論祇如老僧終日趕着大衆不是挑磚便搬瓦不運土便臺石不拖柴便燒窯見你們稍遲縮不是喊便是罵汝諸人意作麼生會還知天童老漢爲人處麼

撰述

密宗三部的言金卷三

三生六十劫下座

上堂未到天童不妨疑着已到天童瓦解冰消何故
聾不見道聞名不如見面面旣見矣諸人分中成得
個什麼邊事一翳在眼空花亂墜下座

上堂千猜萬猜不如親到一回千說萬說不如親見
一面到已到矣見已見矣忽有人問天童意旨如何
又作麼生祇對若也對得不枉到天童若對不得須
知自有活路始得下座

大悲誕日上堂舉拂子云觀世音菩薩在山僧拂子
頭上示生了也諸人還見麼若見即便請散去其或

未然擊拂子云一擊粉碎直教徧界分身應以佛身
得度者卽現佛身而爲說法應以菩薩身得度者卽
現菩薩身而爲說法應以比丘身得度者卽現比丘
身而爲說法應以居士身得度者卽現居士身而爲
說法應以婦女身得度者卽現婦女身而爲說法乃
至應以人與非人得度者悉皆現之而爲說法旣如
是等皆爲說法則不見有佛相菩薩相比丘相居士
相婦女相乃至人與非人等相旣無如是等相則心
不分別內心無喘心無憎愛生死之心於是息矣復
舉拂子云還見麼若見則頭上安頭不見則斬頭覓

撰述

密雲禪師語錄卷三

活所以道不見一法卽如來是則名爲觀自在擲拂子下座

上堂一僧纔出禮拜師便打云大眾若見山僧棒頭落處便向者僧未開口前證取自家境界不從人得若向山僧開口處博量意根卜度韓獮逐塊有甚了日所以教中尚道聲聞人因聞聲教而見性故謂聲聞菩薩不從聲聞而眼見性諸人直須眼見性始得遂以手拍香几云還見麼若見則彼此歷然初無隱匿下座

上堂仲春且猶寒深山更不同忽地風來拂便覺尚侵容一法旣露現法法豈曾蒙若人欲了道力行日用中所以道日用事無別惟吾自偶諸舉起拂子云諸人還見龐居士麼便下座

上堂以拄杖左右指云當頭指點覲面提特別無所以祇要知歸所以道十方同聚會個個學無爲此是選佛場心空及第歸正恁麼時諸人分上又如何委悉自是不歸歸自得不須眼上重我眉下座

師因事出山至慈谿馮留仙爾赤鄴仙李漸鴻陳伯綸李嗣容居士等留送入山請上堂僧問和尚出山卽不問入山意旨是如何師云從來沒踪跡乃云道

人行履處幽然意不蒙檀那雖送入不可把雲封試
看紅輪日任運轉西東古今嘗顯露跡來無定踪復
舉大慧呆禪師因張汪二狀元至上堂舉僧問雲門
如何是和尚家風門云有讀書人來報呆云讀書人
既到者裡且如何與伊相見乃云不是冤家不聚頭
師云和尚家風雲門盡情說了相見之意大慧不妨
道破且如相見後又作麼生受用乃云君往瀟湘我
往秦便下座

開爐上堂僧問大制從來無解結因何平地起風波
師云無繩自縛漢進云羅籠不住呼喚不回師云你

爲甚刺腦入膠盆乃云昨日天晴日頭出今日下雨
地上濕試看俛仰天地間畢竟明明是何物若也會
得便於春溫秋涼夏熱冬寒盡是諸人出身時節所
以僧問洞山寒暑到來如何廻避山云何不向無寒
無暑處去僧云如何是無寒無暑處山云寒時寒殺
閻黎熱時熱殺閻黎便是者消息如是會得回觀開
爐結制大似無事生事未免翻成特地其或不然普
請大衆歸堂三條椽下七尺單前衲被蒙頭各自摸
取下座

次日陞座云昨日上堂今朝陞座呈示諸人更勿話

墮所以道若據此事直得三世諸佛口掛壁上更有
一人呵呵大笑若識此人叅學事畢汝等諸人二六
時中業識茫茫還知安身立命處麼若知則龍得水
時增意氣虎逢山勢長威獰喝一喝云普請大眾挑
瓦蓋屋去下座

元公黃居士入山請師說法師云無舌與居士說復
同衆力請乃上堂云昨晚無舌說今朝呈醜拙耳聞
兼目覩不間僧與俗選佛與選官同體不同服不以
服飾觀便見真面目個個本呈現人人皆具足嘗說
熾然說不消三寸舌所以道迦葉不聞聞世尊不說
說不墮悄然機動容揚古路便下座

解制上堂正月十五青天白日僧俗圍繞眼眼相覩
相覩卽不無畢竟成得甚麼邊事莫生心休卜度彈
指云善財彈指登樓閣普化入市搖鈴鐸復云春日
晴黃鸝鳴行脚衲僧奔前程忽若遇盲瞽啞啞底又
作麼生撞頭磕額乾坤窄下座

上堂個事本來成現人人不隔一線祇因自己顛預
致使四生流轉遂舉拂云我今特施方便切莫隨之
更變欲得解脫自繇悟取本來真面所以道苦海縱
無邊回頭便是岸擲拂云看看下座

佛誕日陶曰源薦二親請上堂一僧纔出作禮師劈脊打云汝還知棒頭落處麼若知棒頭落處則知汝安身立命處若知汝安身立命處則知陶曰源二親安身立命處既知他二親安身立命處則見今日世尊初生下時道天上天下唯我獨尊便是安身立命處既知安身立命處爲天上天下惟我獨尊爲王則在天不以天樂爲王在世不以世相爲王在生不以生爲戀在死不以死爲憂唯見唯我獨尊爲王遂舉起拄杖云汝等諸人還見麼若見拄杖子入地獄如箭射下座

豎佛殿法堂藏閣檀越李蒙設齋請上堂兼薦父侍御公漸鴻居士師拈香畢僧出作禮師便打云大眾會麼老僧爲汝等當頭指點汝等直下知歸則見侍御李公安身立命處既見安身立命則不被名利聲色之所籠罩恩愛情念之所流轉所以道若能轉物卽同如來便能於一毫端現寶王刹坐微塵裡轉大法輪如是則不用材木殿閣成現不勞斧斤法堂本彰不動舌頭只向青天白日下要轉便轉復召云大眾扶起棟梁去下座

追嚴請上堂今朝正是十月半葉落歸根全體現寒

60 1 2 3 4 5 6 7 8 9

80

林花放不萌枝無滅無生無異見拍膝云正恁麼時誰會得大丈夫兒撒手行下座

結制上堂雲水禪流自聚頭非干特地苦拘留天童無法加諸衆只要諸人自肯休雖然如是若不到自肯不可強休若到自肯處不待休而自休且作麼生是諸人自肯處若到自肯處方丈裡來通個消息時有僧拂雙袖而出師云終是亂作下座

師誕日衆請上堂今日一會咸謂山僧生年七十四衆同時不期自集誰知山僧契體無生頓忘歲月於是不免因齋慶讚普勸諸人一念不生同徹從前本來面目據自面目觀彼面目面面相對眼眼相覬無生無滅無彼無此十方世界凡聖含靈名字差別性相一如一如體寬無不包含靈山一會原共一家無有散滅如是則無二無二分無別無斷故迥出思議之表分明嘗在目前所以道十方同聚會個個學無爲此是選佛場心空及第歸雖然如是丈夫自有冲天志莫向他人行處行喝一喝卓拄杖下座

見浦禪人化法鼓入山請上堂千說萬說不若法鼓一擊法鼓一擊大眾一時來到老僧千說萬說諸人還知去處麼若知去處則知來處不向言句音聲中

作解會始知一擊忘所知更不假修持以拄杖擊香
凡云諸人還委悉也無若委悉得則動容揚古路不
墮悄然機化者施者擊者舉揚者功不浪施諸人知
恩有地其或未然老僧不免更爲諸人各各一擊去
也拽拄杖下座一齊打散歸方丈

解制上堂元公黃居士問元正啓祚萬象咸新戶戶
門門燈燃室內且道與少室一燈是同是別師云離
却同別再道將來進云和尚爲何不道師云耳聾作
麼進云口啞作麼師云更要打在土禮拜僧問雲木
盡從今日解重樓紺宇鎖何人師云天無四壁進云

恁麼則草鞋獵似虎拄杖活如龍去也師云走殺閣
黎乃云今朝正值正月半家家辦賞上元節都隨浮
世恣情歡誰省茫茫忘本確祇有居士黃元公獨入
深山無別樂不若維摩唯默然互相唱和妙獨覺又
值天童寺裡僧個個打帳草鞋着頂笠腰包撒手行
眼空四海乾坤廓雖然如是忽遇其人攔胸把住時
汝等諸人又作麼生道個解交句若解道得獨步大
方若道不得前途多有絆腳索在老僧老矣沒氣力
與你們說破只可自適去也下座

新僧堂就結制上堂云大衆進堂老僧上堂進堂上

堂都來堂堂若也薦得自絕忖量忖量絕處廻出大方故乃據此爲衆舉揚喝一喝卓拄杖下座

師誕日衆請上堂一念回光忽悟徹生死二相無處覓諸人若也更顛預老僧終是空餽舌下座

解制上堂結制也諸人要討個入頭底時節解制也諸人須得個出頭底意旨若得個入頭時節嘗在其中則八風五欲撼牽不動設得個出頭意旨千聖羅籠不住萬魔潛覬無門自在自繇全體現前據同體悲與無緣慈拯拔一切報佛深恩是爲一期參學已畢慶快平生其或未然正是虛生浪死徒入空門

在家居士若非冤竟省悟一回則無本可據業識茫茫臨命終時定作不得主也山僧七十四歲諒無氣力更理葛藤是汝諸人宜各珍重始得下座

造法座訖師自撾鼓上堂云新法座舊和尚無人請自陞上度度登無異樣且既無異樣用度度登作麼不見道一番提起一番新盡未來際無盡藏雖然如此丈夫自有冲天志莫學吾行行處行下座

開爐上堂天童開爐不辨炭不辨爐一任諸人寒風刮臉寒氣侵膚諸人若也寒到徹骨徹髓自覺本命元辰全體自在一念無爲心行處滅則不見有彼我

撰述

卷之三

二十一

卷之三

是非生死去來之相所以道十方同聚會個個學無爲卓拄杖云此是選佛場心空及第歸下座聖節上堂天中天聖中聖示現降生含齒戴髮蠕動含靈咸荷洪恩林下清衆等轉無私法輪仰祝大明齊北極聖壽等乾坤四方八表樂昇平萬國來朝萬乘尊下座

解制上堂老僧從心之餘光只堪自適而已矣却見諸人不自惺將謂今朝爲解制勸諸人莫兒戲急須猛省個中意個裡本無有去來那來結解以爲計且作麼生是諸人個中意乃云下坡不走快便難逢下

座

請上堂老僧年邁祇可自適故久拒一切檀越之命今因根心唐居士爲薦父母并自四旬發心增造三世佛一尊躬費淨財入山辦齋再四乞老僧陞座舉揚此段功德不虛何故不見世尊道諸佛世尊唯爲一大事因緣故出現於世一大事者三世諸佛與法界衆生共稟淨法界身本無出沒諸佛證之而衆生未證故諸佛發同體悲故曰大悲願力示現受生開示衆生入佛知見同證安身立命則見生之不生死之不死千聖羅籠不住萬魔潛覲無門真可謂丈夫

自有冲天志不向他人行處行下座

上堂至法堂內衆方集師舉手揖云已爲大衆上堂了也便歸方丈

居士顧瑞屏徐心常劉九霞入山請上堂師拈香云者辦香拈起也纖塵不立啓育含生爇向爐中端爲今上皇帝祝嚴聖壽恭願皇圖鞏固帝道遐昌佛日增輝法輪嘗轉法輪旣嘗轉豈在高登曲景木掉舌播唇謂之轉耶然放一線道還丹一粒點鐵成金至理一言轉凡成聖恁麼告報已涉繁詞未免笑殺傍觀蓦拈拄杖云爭如者個木上座生平不近人情一

味從頭棒將去也不管是聖是凡正恁麼時莫有當機領略得者麼無則老僧自道去也便下座

三大佛開光請上堂曆月廿六三世諸佛六道衆生同時展目不用人指點不勞人刮膜以拄杖指云現前大衆還證明得麼若證明得今日施主功不浪施成此勝功德證此本光明其或受人指點用人刮膜則落第二頭所以道我眼本正因師故邪且作麼生是諸人正眼便下座

皇親田居士夫人吳氏爲承乾宮皇貴妃田氏奉旨進香賚紫衣入山請上堂師拈香祝

撰述

密宗言卷之三

聖畢僧問皇圖鞞固菩薩現天人之身帝道遐昌和尚唱無生之曲無生曲卽不問如何是祝聖底句師云今古歷然進云恁麼則一人有慶萬民咸賴去也師云却被閻黎道着僧禮拜師乃提起紫衣云此是九重宮裡傳來底謂之信衣亦謂之無相福田衣佛佛授受祖祖相傳所以拘留孫佛偈云見身無實是佛身了心如幻是佛幻了得身心本性空斯人與佛何殊別諸人還信得及麼若信得此身不實即是佛身與佛無殊全體獨露故經云佛身充滿於法界普現一切群生前旣群生皆現佛身則若貴若賤若僧要識真金火裡看下座

八十歲道婆請上堂趙州行脚到八十南北東西走未歇爭若呂氏善女人年年日日居家室雖然如是任他世事眼前過當覺老從頭上來始得下座
要識真金火裡看下座

密雲禪師語錄卷第三終



煙
漢述

名勝記卷二

五十一

卷之二

人言中國人皆天人也。我聞之亦然。嘆其人也。人十
丈。頭大如斗。赤髮青膚。口音淵厚。八十步。東西走。
莫曉其人。吾承下坐。

人謂中國人類以汗氣蒸蒸。不經雨曬。日
見其人。汗流滿面。黃氣輸出。則知大意三更。汗氣
未止。令人知。或取大雨。西來。氣熱。快。則知其人。小
國。多苦寒。故皮毛。不與中國同。則知其人。

七八四

60

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10